



Vatanga va xalqqa sadoqat bilan xizmat qilish – oliy burchimiz!

# Postda Ha nocty

O'zbekiston  
Respublikasi  
Ichki ishlar  
vazirligi  
nashri

2025-yil  
18-dekabr  
payshanba

№ 51 (4745)

Gazeta 1930-yil 12-maydan chiqa boshlagan / Web-site: [www.postda.uz](http://www.postda.uz) / E-mail: [info@postda.uz](mailto:info@postda.uz)

«UCHQUR TULPOR»NI  
BOSHQARAYOTGAN  
NOZIK XILQAT

15




YANGI O'ZBEKISTON –  
MA'RIFATLI JAMIYAT

5



## BUYUK AJDODLARIMIZ



Shoir, tarixchi, tarjimon Muhammad-rizo Erniyozbek o'g'li Ogahiy 1809-yil 17-dekabrda Xiva yaqinidagi Qiyot qishlog'ida mirob oilasida tug'ilgan.

Ogahiy xalq orasida ko'proq lirik shoir sifatida mashhur. Umrining oxirgi yillarida tuzgan lirik kulliyoti – «Ta'viz ul-oshiqin» («Oshiqlar tumori», 1872) bizgacha to'la yetib kelgan.

**Qadam aylabon ilm yo'lida bosh,  
Hunar kasbida aylar erdim talosh.**

**Ne tunlar menga xobi rohat erdi,  
Ne kunlar zamoni farog'at erdi.**

## BOBUR SHAHRI

andijonliklarning birligi va irodasi timsolidir



10

«El-yurt hurmati» ordeni sohibi O'g'ilxon Jabborova va O'zbekiston qahramoni Shukurjon Mamatqulov.

## FAXRIYLAR – FAXRIMIZ

OTAM O'GITLARI  
SHAMCHIROQ

DEYDI ISTE'FODAGI PODPOLKOVNIK MATLUBAXON KAMOLOVA

2000-yilda yong'in xavfsizligi xizmatida kichik inspektor lavozimida ish boshlagan lavhamiz qahramoni o'tgan 25 yil davomida turli sohaviy xizmatlarda, jumladan, Farg'ona shahrida voyaga yetmaganlar bo'yicha inspektor, Oltiariq tumanida xotin-qizlar masalalari bo'yicha katta inspektor, Farg'ona davlat universitetida profilaktika inspektori sifatida faoliyat ko'rsatdi. Joriy yil boshida esa ehtirom bilan pensiyaga kuzatildi.

– Ushbu o'quv dargohida xizmat faoliyatim davrida talaba-yoshlar bilan juda yaxshi til topishib ketdim. Ayniqsa, ularning muammolarini hal etish borasida ilg'or tashabbuslarni ilgari surdim, – deydi M. Kamolova. – Shu bois, pensiyaga chiqqanimdan so'ng xotin-qizlar masalalari bo'yicha rektor maslahatchisi lavozimida ishlashga taklif qilishdi. Hozirda ushbu vazifada sidqidildan xizmat qilib kelyapman. Oliyoghimiz-

da 30 ming nafarga yaqin yoshlar tahsil oladi. Ulardan 17 ming nafari qizlardir. Shu bois profilaktika inspektorlarimizga ustozlik qilib, bilimaganlarini o'rgatyapman, qizlar bilan ishlashni davom ettiryapman.

Lavhamiz qahramonining dadasi – Bahodirjon Kamolov 20 yil davomida tizimda turli vazifalarda, jumladan, Qurasoy shahar IIB Qo'riqlash bo'limi, viloyat IIB Qo'riqlash hamda Kadrlar boshqar-



malarida faoliyat ko'rsatdi. 1996-yildan viloyat Bojxona boshqarmasi kadrlar bo'limi boshlig'i lavozimida xizmatni davom ettirib, 2001-yilda pensiyaga chiqdi.

– Dadam birinchi ustozim edi, – deydi Matlubaxon Kamolova. – Undan odamiylik xislatlarini, kasbimizga oid nozik sir-asrorlarni, hujjat yuritish tartib-qoidalarini, fuqarolar bilan muloqot madaniyatini o'rganganman. Padari buzrukvorim 2020-yilda olamdan o'tdi. Biroq menga bergan o'g'itlari, nasihatlari hamon qalbimda saqlanib qolgan. To'g'riso'z va halol bo'lishga undagani yo'llarimni shamchiroqdek yoritib turadi.

**Abduvosit SIDIQOV,**  
o'z muxbirimiz.

Farg'ona viloyati.



## XAVFSIZ VA SOG'LOM YURT

## KELAJAKNI KO'ZLAB

«Xavfsiz va sog'lom yurt» tezkor-profilaktik tadbirlari doirasida Navoiy viloyatida giyohvandlik vositalarining noqonuniy aylanishi bilan bog'liq bir qator holatlar aniqlandi. Shu boisdan, profilaktik tadbirlar yanada kuchaytirilib, aholi o'rtasida ogohlikni oshirishga alohida e'tibor qaratilmoqda.

Viloyat IIB TQX JQB xodimlarining boshqa huquqni muhofaza qilish organlari vakillari bilan birga olib borgan tezkor-qidiruv tadbirlari davomida «Samarqand» muntazam YPX maskanida 1971-yilda tug'ilgan, muqaddam bir necha marotaba sudlangan fuqaro boshqaruvi-da bo'lgan «EPICA» rusumli avtomashina to'xtatib tekshirildi. Shunda qora rangli izotasmalarga o'ralgan,



og'irligi 163 gramm bo'lgan opiy giyohvandlik vositasi borligi aniqlandi.

Mazkur fuqaroning Konimex tumani-dagi uy-joyi ko'zdan kechirilganda, yana 19 gramm miqdorda marixuana giyohvandlik vositasi topildi.

Shuningdek, xolislar ishtirokida tekshirilganda, Navoiy shahar IIBga olib kelingan 18 yoshli fuqaroning sumkasida sintetik giyohvandlik moddasi borligi ma'lum bo'ldi. Zarafshon shahar IIB TQX JQB xodimlari tomonidan o'tkazilgan tezkor tadbir davomida esa 1968-yilda tug'ilgan fuqaroning xonadonidan jami og'irligi 67,58 gramm bo'lgan ezilgan va quritilgan holatdagi marixuana borligi aniqlandi. Ayni paytda mazkur holatlar bo'yicha tergovga

qadar surishtiruv harakatlari olib borilmoqda.

Navoiy viloyatida boshqa huquqni muhofaza qilish organlari bilan hamkorlikda o'tkazilgan tezkor-profilaktik tadbirlarning 3-bosqichi mobaynida jami 2 kilogramdan ortiq giyohvandlik vositalari hamda 9 ming 421 dona kuchli ta'sir qiluvchi psixotrop dori vositalari aniqlandi.

Zahri qotil iste'moli jamiyatning ijtimoiy va iqtisodiy taraqqiyotiga jiddiy xavf soluvchi hamda millat genofondiga putur yetkazuvchi omil hisoblanadi. Giyohvandlikka qarshi kurashish, yoshlar uchun sog'lom kelajakni barpo etish, ularni zararli illatlardan himoya qilish bo'yicha tezkor-profilaktik tadbirlar hududlar bo'ylab davom etmoqda.

**Mahliyo XOLOVA,**  
o'z muxbirimiz.

Navoiy viloyati.

## PROFILAKTIK TADBIR

AVTOREYD  
NATIJALARIGA KO'RA

Yurtimizda huquqni muhofaza qilish organlar xodimlari o'rtasida huquqbuzarliklar profilaktikasi kuni doirasida muntazam ravishda turli tadbirlar tashkil etilib kelinmoqda. Bundan ko'zlangan maqsad jinoyatchilik va huquqbuzarliklarning barvaqt oldini olish, shaxsiy tarkib tomonidan salbiy holatlarning sodir etilishiga yo'l qo'ymaslikdan iborat.

Yaqinda Qoraqalpog'iston Respublikasi Qo'riqlash boshqarmasida o'tkazilgan shunday tadbirda IIV Jamoat xavfsizligi xizmati Yo'l harakati xavfsizligi boshqarmasi vakillari ishtirok etdi. Unda xodimlar yo'l harakati qoidabuzarliklarini aniqlovchi uskunalar bilan yaqindan tanishishdi. Ular o'zlarini qiziqtirgan savollarga javoblar oldi.

Shundan so'ng Taxi-tosh va Xo'jayli tumanlari qo'riqlash bo'limlari xodimlarining qish mavsumiga tayyorgarligini, shaxsiy avtomashinalarining hujjatlarini tekshirish va texnik sozligini aniqlash maqsadida avto-

reyd o'tkazildi. Tekshirishlar mobaynida ayrim xodimlarning avtotransport vositalariga taalluqli hujjatlarining bo'lmaganligi tufayli ularga nisbatan tegishli choralar qo'llanildi.

Yo'l qoidasi – umr foydasi. Shunday ekan, har birimiz uzog'imizni yaqin qiladigan avtomashinalarimizni tegishli hujjatlari bilan boshqarsak, albatta, maqsadga muvofiq bo'lar edi.

**Allamurat XOJANAZAROV,**  
Qoraqalpog'iston Respublikasi Qo'riqlash boshqarmasi Axborot guruhi bosh mutaxassisi, kapitan.

# OSUDA HAYOT VA OBOD TURMUSH SARI

**Kosonsoy tumani hududida sodir etilgan jinoyatlar ko'rsatkichi o'tgan yilning shu davriga nisbatan 10,8 foizga kamayib, 16 ta jinoyat «issiq izi»da fosh qilindi. Bu tuman IIBning tezkor va samarali ishlashining yaqqol dalilidir.**

## «QIZIL» HUDUD QOLMAYDI

Tumandagi 56 ta mahallada olib borilgan baholashlar natijasi hududlarda xavfsizlik va osoyishtalikni ta'minlash yo'lida izchil ishlar amalga oshirilayotganini ko'rsatmoqda. Jumladan, 27 ta mahalla «yashil», 28 ta mahalla «sariq», 1 ta mahalla «qizil» toifaga kiradi.

– Yagona «qizil» toifaga mansub «Yangi shahar» mahallasida ham hozirda xavfsizlikni yaxshilash bo'yicha faol ishlar olib borilmoqda, – deydi bo'lim boshlig'ining o'rinbosari – Jamoat xavfsizligi xizmati boshlig'i, podpolkovnik Shavkatjon To'lanov. – Hududda aholi bilan yaqin muloqotlar tashkil etilayotgani, jamoat patrullari kuchaytirilgani va «namunaviy xavfsiz ko'cha» loyihasining joriy etilgani kelgusida ijobiy natijalarga zamin hozirlaydi.

Muntazam o'tkazilayotgan profilaktik tadbirlar hudud aholisining hushyorligi va o'zaro hamjihatligini oshirmoqda. Bunday tashabbus va sa'y-harakatlar tufayli tuman bo'yicha umumiy xavfsizlik darajasi yanada mustahkamlanib, mahallalar tobora osoyishta va farovon hududlarga aylanib bormoqda.



## AHOLI O'ZINI XAVFSIZ HIS ETMOQDA

Hududda xavfsizlikni ta'minlash va aholi osoyishtaligini saqlash borasida bir qator muhim va samarali chora-tadbirlar amalga oshirildi. Xususan, 275 ta kuzatuv kamerasi, 30 dan ortiq domofon va 7 ta «xavfsizlik tugmasi» o'rnatilib, jamoat joylari hamda ko'chalar ustidan doimiy monitoring yo'lga qo'yildi.

Mahallalarda fuqarolarni ogohlantirish va tartib-intizomni mustahkamlash maqsadida 436 ta sirkulyar stiker, 24 ta «namunaviy xavfsiz ko'cha», shuningdek 60 ta «namunaviy xavfsiz yo'lak» barpo etildi. Ichki yo'llar va ko'chalar bo'ylab 213 ta yorug'lik manbayi o'rnatilib, kechki va tungi vaqtlar uchun qulay va xavfsiz muhit yaratildi.



Natijada tuman aholisi uyda ham, maktab va bog'chalarda ham, ko'cha va bozor maydonlarida ham o'zini ancha xavfsiz his etmoqda. O'rnatilgan kamera va monitoring tizimlari yordamida qidiruvdagi shaxslar qo'lga olindi, jinoyatlar o'z vaqtida fosh etildi. Bu jayronlar aholining tinchligi, ishonchi va kundalik hayotdagi osoyishtaligini yanada mustahkamlashga xizmat qilmoqda.

## INSONPARVARLIKKA ASOSLANGAN YONDASHUV

Tuman IIB shaxsiy tarkibi nafaqat tartib-intizomni ta'minlash, balki aholining ijtimoiy farovonligini oshirish borasida ham keng ko'lamli ishlarni



amalga oshirmoqda. Eng zaif qatlamlarni qo'llab-quvvatlash, yoshlarning bandligini ta'minlash va oilalar bilan tizimli ishlash bo'yicha ham ijobiy natijalarga erishildi.

– 310 nafar ijtimoiy yordamga muhtoj ayol aniqlanib, ularning ehtiyojlari o'rganildi va 263 ta masala bo'yicha amaliy yordam ko'rsatildi, – deydi JXX HPB xotin-qizlar masalalari bo'yicha katta inspektori, mayor Umida Abbosova. – 2 811 nafar ishsiz fuqarodan 1 472 nafari ishga joylashtirildi, 621 nafari kasb-hunarga o'qitildi, 402 nafari kasbga yo'naltirildi. Sudlangan va ma'muriy nazoratdagi 22 nafar shaxs bandlik yoki kasb-hunar bilan ta'minlanib, jamiyatga qayta moslashishiga ko'mak berildi. Ota-onasidan mahrum bo'lgan bolalar bilan ishlash doirasida 37 ta muammo o'z yechimini topdi.

Bu tashabbuslarning barchasi faqat jinoyatchilikning oldini olish emas, balki aholining hayot sifatini oshirish, ijtimoiy himoya tizimini mustahkamlash va yoshlarning kelajagini yanada barqaror qilishga qaratilgan keng qamrovli va insonparvarlik ruhidagi ishlar hisoblanadi.

## MUHIM OMIL

Tumanda amalga oshirilayotgan keng qamrovli profilaktika ishlari, ijtimoiy qo'llab-quvvatlash dasturlari va jamoatchilik bilan hamkorlikda olib borilayotgan tashabbuslar bir maqsad – xavfsiz, osoyishta va farovon jamiyatni barpo etishga qaratilgan.

Mahalla, maktab, yoshlar, ota-onalar va Ichki ishlar bo'limi o'rtasidagi hamkorlikning kuchayishi natijasida jinoyatchilikka qarshi barqaror «ijtimoiy immunitet» shakllanmoqda. Aholining faolligi, yoshlarning bandligi, zaif qatlamlarga ko'rsatilayotgan ijtimoiy yordam va hududlarda xavfsizlik infratuzilmasining yaxshilanishi – ularning barchasi tuman taraqqiyoti yo'lida muhim omil bo'lib xizmat qilmoqda.

**Jahongir TO'XTASINOV,**  
o'z muxbirimiz.

Namangan viloyati.



## ■ Ферганская область

**ДЕНЬ ОТКРЫТЫХ ДВЕРЕЙ**

В целях обеспечения открытости и прозрачности деятельности органов внутренних дел, а также повышения интереса к профессии у молодежи УВД области организовало день открытых дверей.



Учащиеся образовательных учреждений города Ферганы побывали в этот день в управлении, ознакомились с процессом несения службы и созданными для сотрудников условиями.

Посетили также и информационно-библиотечный центр. Он располагает книжным фондом, насчитывающим более 5000 единиц разной литературы, и способствует повышению духовного уровня личного состава.

Спросом пользуются издания политического и правового характера. Молодые сотрудники, только приступающие к работе, расширяют свои

профессиональные знания именно в информационно-библиотечном центре.

Большой интерес у учащихся вызвал медиа-центр Информационной службы управления. Гости ознакомились с техническими возможностями центра, используемыми цифровыми технологиями. Специалисты ответили на вопросы юношей и девушек.

Молодое поколение не оставила равнодушной выставка спецтехники и вооружения. Возможно в этот день многие определились с будущей профессией.

**Абдувосит СИДИКОВ,**  
соб. корр.

## ★ Лучшие в своем деле

Следуя по стопам старшего брата – майора в отставке Умиджона Рузиева, он выбрал эту профессию. С первых дней службы добросовестно подходил к выполнению каждого задания, за что заслужил уважение коллег. Старательно повышал мастерство под началом наставников – подполковника Хусейнжона Файзиева и старшего сержанта Уктама Неъматова.

Малик Рузиев окончил Высшие курсы по подготовке сержантского состава Академии МВД. Служил в подразделениях охраны и патрульно-постовой службы. За эти годы участвовал в раскрытии преступлений по горячим следам, предотвратил немало правонарушений. За самоотверженную службу неоднократно поощрялся руководством.

Недавно в 02:20 ночи старший сержант М. Рузиев, следуя на служебном автомобиле по закрепленной за

**ПРИМЕР ДЛЯ СОСЛУЖИВЦЕВ**

**Специалист группы отряда по обеспечению безопасности при проведении общественно-политических и культурно-массовых мероприятий батальона ППС отдела охраны общественного порядка СОБ УВД Бухарской области старший сержант Малик Рузиев является примером для многих.**

ним территории, заметил сидящую у обочины дороги девушку. Остановив автомобиль, с помощью планшета установил ее личность. Выяснилось, что несовершеннолетняя Х. О. из Зарбдарского района Джизакской области числится в списке пропавших без вести. Сотрудник органов правопорядка в установленном порядке передал девушку в инспекцию по делам несовершеннолетних СОБ УВД области.

В текущем году Малик Рузиев оформил административные протоколы в отношении 80 граждан, совершивших правонарушения. Также выявил 340 граж-

дан, носивших при себе острые колюще-режущие предметы в общественных местах. С целью предотвращения несчастных случаев, предупреждения возможных преступлений, связанных с хулиганством и причинением телесных повреждений вблизи кафе, баров, ресторанов, ночных клубов проводит профилактические и разъяснительные мероприятия. В ходе этих мероприятий гражданам и предпринимателям раздаются информационные флайеры, буклеты.

**Мирзокул АХАДОВ,**  
соб. корр.

Бухарская область.

## ★ Признательность

В редакцию поступило письмо от ветерана органов внутренних дел, подполковника в отставке Адилжана Хаджаева.

«После реконструкции поста ДПС, расположенного на автодороге, соединяющей Юнусабадский район столицы с Ташкентским районом, известного в народе как «Уч кахрамон» («Три героя»), здесь на мраморном постаменте вновь возвышается памятник, символизирующий верность служебному долгу, – пишет Адилжан Азисович. – Этот монумент олицетворяет мужество, выражает уважение к героям, отдавшим жизнь во имя безопасности соотечественников».



Наши постоянные читатели знают, что название «Уч кахрамон» появилось не случайно. Памятник увековечил подвиг отважных сотрудников – старшин милиции Мусы Гашимова, Олимжона Аскарובה, старшего лейтенанта милиции Маткарима Матчинова. Они погибли в июне 1988 года в ходе отражения вооруженного нападения особо опасных преступников.

В письме А. Хаджаев выражает признательность руководству МВД, Службы безопасности дорожного движения Департамента общественной безопасности министерства, ГУВД столицы за проведенную работу. Ветеран подчеркивает, что монумент воплощает память о героях: «Он укрепляет чувство патриотизма в наших сердцах. Проявленное ими мужество – пример для подрастающего поколения».

## MA'NAVIYAT VA MA'RIFAT DARSİ

YANGI O'ZBEKISTON –  
MA'RIFATLI JAMIYAT

Insonning jamiyatdagi o'rni uning moddiy boyliklari bilan emas, balki yuksak ma'naviy qiyofasi bilan belgilanadi. Prezidentimiz ta'biri bilan aytganda agar jamiyat hayotining tanasi iqtisodiyot bo'lsa, uning joni va ruhi ma'naviyatdir. Zero, ma'rifatli jamiyat har qanday islohotlarga qodir bo'ladi.

Biz o'z oldimizga Yangi O'zbekistonda ma'rifatli jamiyatni barpo etishni qo'yganimiz. Bu oliy maqsadlarimizdan biri. Xo'sh, ma'rifatli jamiyat qachon barpo etiladi?

Fikrimizcha, **birinchidan**, bunday jamiyatda yashaydigan insonlar eng avvalo, irodali inson bo'lishi kerak. Gap shundaki, bugun jamiyatimizda irodasi sust, turli qarashlar, nuqtai nazarlarni tahlil qila olmay, kimlargadir yoki qandaydir g'oyalarga ko'r-ko'rona ergashib ketadigan fuqarolarimiz, afsuski, yo'q emas. Shuning uchun ham ma'rifatli jamiyat irodasi kuchli insonlar jamiyatidir.

**Ikkinchidan**, ma'rifatli jamiyat kishisi tom ma'noda vatanparvar bo'lishi kerak. Vatan hissi – muqaddas tuyg'u. Vatanni faqat so'zda sevib bo'lmaydi. Haqiqiy vatanparvarlik insonning amaliy faoliyatida ko'rinadi.

**Uchinchidan**, ma'rifatli jamiyatda yashaydigan insonning yana bir muhim sifati uning siyosiy madaniyati bilan bog'liq. Siyosiy madaniyat jamiyatning umumiy madaniyati asosida shakllanadi.

**To'rtinchidan**, ma'rifatli jamiyatda ma'naviy barkamol insonning qiyofasidagi o'ta muhim sifatlardan yana biri uning sog'lom e'tiqodi bilan bog'liq. U eng avvalo, sog'lom e'tiqodli insondir. E'tiqod, asosan, inson tomonidan o'zlashtirilgan bilimlar tufayli yuzaga keladi.

Yangi ma'naviy makon – biz orzu qilayotgan Yangi O'zbekistonning ma'naviy qiyofasi yaqqol aks etadigan, xalqimiz intilayotgan va el-yurtimiz baxtiyor yashaydigan ma'rifatli jamiyatdir.

Har qanday Renessansni ma'rifatsiz yaratib bo'lmaydi. Uchinchi Renessansni yaratish uchun, avvalo, ma'rifatli jamiyatni barpo etishimiz zarur. So'nggi yillarda Prezidentimiz tomonidan Yangi O'zbekistonda Uchinchi Renessans poydevorini yaratish hamda mustahkamlashga katta e'tibor qaratilayotgani ham bejiz emas. Bundan ko'zlangan pirovard maqsad, avvalo, buyuk ajdodlarga munosib bo'lish va qolaversa, ularning boy merosini davom ettira oladigan barkamol avlodni voyaga yetkazishdir.

Keyingi yillarda masalaga mana shunday yondashuv bizning ushbu sohadagi faoliyatimiz mezoniga aylanadi. Chindan ham, agar biz ta'limni o'zgartirsak, ta'lim insonni o'zgartiradi. Inson o'zgarsa – butun jamiyatimiz o'zgaradi.



Ma'rifatli inson har qanday sharoitda o'zini o'zi himoya qila oladi, asray biladi. Hozirgi qaltis dunyoda esa faqat ma'rifatli jamiyatgina o'zining barqaror taraqqiyotini ta'minlaydi. Turli tashqi g'oyaviy tajovuzkorlarga, siyosiy, iqtisodiy, ijtimoiy tahdidlarga munosib javob beradi. Demak, jadidchi alloma Abdulla Avloniyning «Ma'rifat – shijoatdur. Ma'rifatli kishi shijoatli bo'lur», deganida ko'p hikmat bor. Ma'rifatli xalq tarixiy rivojlantirish yo'nalishlarini bexato belgilaydi.

Ijtimoiy munosabatlardagi har qanday o'zgarish ma'rifatga ta'sir etadi va unda bu munosabatlar qanday natijalarga olib kelishi o'ziga xos tarzda namoyon bo'ladi. Shu bois ma'rifat nafaqat o'tmish yoki bugungi kun, balki kelajakka nisbatan munosabatning ifodasi hamdir.

Ma'rifatda ajdodlar yaratgan moddiy va ma'naviy boyliklar jamlangan. Ularni o'zlashtirmay, bilmay turib, ma'rifatli bo'lish mumkin emas.

• **Buyuk ajdodlarimiz**  
• **Imom Buxoriy, Imom**  
• **Moturidiy, Hakim Ter-**  
• **miziy, Ahmad Yassaviy,**  
• **Bahouddin Naqshband**  
• **kabi allomalar o'zlari-**  
• **ning beqiyos ma'rifat-**  
• **lari bilan umuminsoniy**  
• **madaniyatlarning rivoj-**  
• **lanishiga ulkan hissa**  
• **qo'shishgan. Hakim**  
• **Termiziy «Kitob bayan-**  
• **al-ilm» nomli riso-**  
• **lasida ma'rifatni nur,**  
• **yorug'likka qiyosla-**  
• **gan. Beruniy, Ibn Sino,**  
• **Amir Temur, Ulug'bek,**  
• **Navoiy va Bobur bobo-**  
• **larimiz ma'rifatni ilm,**  
• **amal, odob tushun-**  
• **chalari o'zaro bog'liq**  
• **xislatlar deb hisoblash-**  
• **gan. Ularning nuqtayi**  
• **nazarlariga ko'ra,**  
• **kishining odobi, xulqi**  
• **uning ma'rifati, bilim-**  
• **donligi bilan chambar-**  
• **chas bog'liq bo'lib,**  
• **inson qanchalik ma'ri-**  
• **fatli bo'lsa, uning xulqi**  
• **shunchalik yaxshi va**  
• **mukammal hisoblangan.**

Shuni ham alohida ta'kidlab o'tish joizki, ayni vaqtda dunyoning juda ko'p mintaqalarida insoniy qadriyatlar yemirilmoqda. Hatto iqtisodiy taraqqiyoti yuksalayot-

gan aksariyat mamlakatlarda ham, ma'naviyat inqirozga yuz tutmoqda.


Bugungi kunda dunyoda keskin kurash va raqobat hukm surmoqda, manfaatlar to'qnashuvi kundan-kun kuchaymoqda. Ayniqsa, globallashuv jarayonlari insoniyat uchun beqiyos yangi imkoniyatlar bilan birga, kutilmagan muammolarni ham keltirib chiqarayotganiga aslo befarq qarab bo'lmaydi. Chunki ayni shu global miqyosli jarayonlarda milliy o'zlik va ma'naviy qadriyatlarga qarshi tahdid va xatarlar tobora kuchayib bormoqda. Ayni chog'da, faqat o'zini o'ylash, mehnatga, oilaga yengil qarash, iste'molchilik kayfiyati turli yo'llar bilan odamlar, ayniqsa, yoshlar ongiga ustomonlik bilan singdirilayotgani ham sir emas.

Shu bois xalqimiz ma'rifatini yanada oshirish, yuksak ma'naviyat tamoyillari asosida ma'rifatli yosh avlodni tarbiyalash bu sohada eng ustuvor vazifaga aylandi. Ilm-fan, maorif, ta'lim-tarbiya tizimini yanada takomillashtirish, ularning moddiy-texnik bazasini mustahkamlashga qaratilgan qonunlar, qarorlar va farmonlar ijrosini ta'minlash mamlakatimizning mazkur yo'nalishda jahonning ilg'or mamlakatlari safiga qo'shishiga xizmat qilmoqda.

Xulosa o'rnida aytish mumkinki, ma'rifatni oshirish, avvalo, ma'naviy-axloqiy qadriyatlarimizni davr talablariga mos ravishda boyitish va rivojlantirish, shu orqali jamiyatning madaniy va ma'rifiy yuksalishiga erishish imkonini beradi. O'z navbatida, bu jamiyat a'zolarining ongi va tafakkurini, hayot falsafasi va dunyoqarashini kengaytirishga xizmat qiladi.

**G'ayratulla SHUKUROV,**  
O'zbekistonda xizmat ko'rsatgan  
madaniyat xodimi.

Maqolani qoraqalpoq  
tilida ushbu QR-kod orqali  
o'qishingiz mumkin.



## JAZONI IJRO ETISH MUASSASALARIDA

## TO'G'RI YO'LGA UMID BERIB...

**IIV huzuridagi JIED Uchinchi mintaqaviy hududi 8-sonli Tergov hibsxonasiga kirib borarkanman, navbatchi xodimning xushmuomalasidan ko'nglim yorishdi. U hozirgina o'g'li bilan uchrashib ortga qaytayotgan otaxonga telefon apparatini qaytarib berdi. Dalda berib, ko'nglini ko'tardi. Keyin esa menga yuzlandi.**

Tergov hibsxonasi boshlig'i, podpolkovnik Erkin Ikromovni xodimlar bilan qandaydir masalani muhokama qilayotgan holatda uchratdik. Ma'lum bo'lishicha, xodimlarning jismoniy va maxsus tayyorgarligi ish rejasi ijrosi o'rganilayotgan ekan. Yaqinda bir guruh xodimlar poligonda o'q otish mashqlarida bo'lgan, endi navbatdagi guruh mashg'ulotga borishi zarur.

– Xizmat vazifamiz o'ta mas'uliyatli, – deydi muassasa boshlig'i. – Shu bois shaxsiy tarkibning ham ma'naviy-ma'rifiy, ham jismoniy, ham maxsus tayyorgarligi juda muhim sanaladi. Bu zimmamizdagi vazifalarni to'laqonli va muvaffaqiyatli uddalanilishida asosiy rol o'ynaydi.

Katta inspektor, kapitan Orif Abdusattorov, qariyb yetti yildirki, mana shu muassasada faoliyat yuritadi. U deyarli har kuni xodimlarni jismoniy tarbiya mashqlariga jalb qiladi. Shaxsiy tarkib ishtirokida yakkakurash jang uslublari bo'yicha o'quvlar tashkil etadi. O'z navbatida, bu sa'y-harakatlar xodimlarning tayyorgarligini barqaror saqlab turishda qo'l kelmoqda.

Muassasa xodimlarining ma'naviy, huquqiy dunyoqarashini kengaytirish ishiga Tergov hibsxonasi boshlig'ining o'rinbosari, mayor Shuhrat Husanov mas'ul. Tajribali rahbar deyarli har kuni shaxsiy tarkibning ijtimoiy muammolarini o'rganish bilan shug'ullanadi. Ularning tashvishlarini aritishga harakat qiladi. Kitob yarmarkasi tashkil qiladi, sport musobaqalarini uyushtiradi. Yaqinda o'tkazilgan mini futbol, voleybol bo'yicha bellashuvlar barchada katta qiziqish uyg'otdi.

Mayor Shuhrat Husanov nafaqat xodimlar, balki mahbuslarning ham dunyoqarashini o'zgartirish, ularning huquqiy bilimini kengaytirishga ham katta hissa qo'shib kelmoqda. U mahbuslarga turmush tarzini o'zgartirish uchun kuch bag'ishlashga harakat qiladi. To'g'ri yo'lga kirish uchun kech bo'ldi, deyish mutlaqo noto'g'riligini ularga bot-bot uqtirib keladi.

39 yoshli Saminjon (ismi o'zgartirildi) noqonuniy yer sotish jinoyatini bir necha bor takror sodir etgan. Bu ishga boshqa shaxslar-



ni ham jalb qilgan. Tergovga chaqirilganida kelishdan bir necha bor bosh tortgani uchun ehtiyot chorasi o'zgartirilgan. Muassasaga kelganidan keyin u qilmishining oqibatlarini his qildi. Unga har qanday boylik, pul yaqinlarining diydori, oilaviy xotirjam hayotdan ustun emasligi uqtirildi. Xotirjamlikni faqat halol rizq orqali topish mumkinligi targ'ib qilindi. Natijada hali sud bo'lmasidan qilmishidan pushaymon bo'ldi. Fikri o'zgardi. Mana shuning o'zi to'g'ri hayot uchun dastlabki qadam edi.

Tergov hibsxonasidan qaytar ekanmiz, qonun ustuvorligini ta'minlash ishonchli qo'llarda ekaniga yana bir bor amin bo'ldik. Zotan, qonun ustuvor jamiyatdagina adolat hukmron bo'ladi.

**Abdurahmon MUSTAFOQULOV,**  
o'z muxbirimiz.

*Sirdaryo viloyati.*

## HUNARLI XOR BO'LMAS

**Halol mehnat qilish bilib-bilmay yoki ehtiyotsizlik ortidan jinoyatga qo'l urgan shaxslarni qayta tarbiyalashda g'oyat muhim ahamiyatga ega. Shu ma'noda, jazoni ijro etish koloniyasida hunar o'rganayotgan, ishlab chiqarish bilan mashg'ul bo'layotgan mahkumlar uchun bu kelgusida jamiyatda o'z o'rnini topishlarida asqatishi tayin.**

IIV huzuridagi JIED To'rtinchi mintaqaviy hududi 3-sonli jazoni ijro etish koloniyasida mahkum-

larga kasb-hunar o'rgatish va foydali mehnatga jalb etish borasida «ustoz-shogird» an'anasi yaxshi yo'lga qo'yilgan bo'lib, ayni paytda o'ymakorlik, mebelsozlik, chilangarlik, tikuvchilik kabi yo'nalishlarda yetmish nafarga yaqin mahkumlar hunar o'rganmoqda.

– Yangi ish o'rinlarini yaratish maqsadida issiqxona hamda alyumin va metalga qayta ishlov berish sexlari faoliyati yo'lga qo'yildi, – deydi koloniya boshlig'i, podpolkovnik Nurali Avlayev. – Hozir alyumin profilga ishlov berish sexida 124 nafar, metalga qayta ishlov berish sexida 83 nafar



mahkum mehnatga jalb etilgan. Umumiy olganda, joriy yilning o'tgan davrida 19 mlrd so'mlikdan ortiq tayyor mahsulotlar ishlab chiqarildi. Bu ko'rsatkich o'tgan yilga nisbatan qariyb 27 foizga yaxshilangan.

Shuningdek, bu yerda bugungi kun talabidan kelib chiqib, mahkumlar yotoqxonalari, uchrashuv xonasi va boshqa binolar ta'mirdan chiqarilib, zamonaviy oshxona va yuvinish xonasi foydalanishga topshirilgan.

**Sodiq RAHIMOV,**  
o'z muxbirimiz.

*Qashqadaryo viloyati.*

# BAXTIQARO BOYQARO

## tiriklay ko'milgan (mi)?

**Husayn Boyqaroni Hirotdagi o'zi qurdirgan madrasaga shohona dafn qilish uchun muvaqqat qabrni ochgan navkarlar hayrat barmog'ini tishlashga majbur bo'lishadi. Negaki, murdaniy tirnoqlari sinib ketgan, kafanning bir qismi yechilgan, yon-atrofdagi qotib qolgan qon dog'lari ko'zga tashlanardi...**

### KO'ZI BOG'LANGAN HAQIQAT

Tarixdan yoxud adabiyot alifbosidan bir qadar xabardor bo'lgan o'quvchi borki, Husayn Boyqaroni 36 yil Xuronsonga hukmdorlik qilgan podshoh, Husayniy taxallusi bilan ijod qilgan shoir, shuningdek, adabiyot va san'at homiysi bo'lgan buyuk mutafakkir hamda she'riyat mulkining sultoni Alisher Navoiyning yaqin do'sti sifatida yaxshi biladi.

Barchamiz bu ismni eshitishimiz bilan ko'z oldimizga Alisher Navoiy bilan bir zamonda yashagan, maishatga, aysh-ishratga mukkasidan ketgan va o'zining zukko nabirasi Mo'min Mirzoning o'limiga sababchi bo'lgan hukmdor gavdalanadi. Chunki aksariyat odamlarning mazkur davlat arbobi haqidagi tasavvuri tarixiy manbalar orqali emas, teleekranda tez-tez namoyish qilib turiladigan mashhur spektakl va badiiy film orqali shakllangan.

Nafsilamini aytganda, tarix zarvaralarida she'riyat mulkining sultoni Navoiy va Xuroson podshohi Husayn Boyqaro ismlari yonma-yon zikr etiladi. Biroq sobiq tuzum paytida bu ikki do'st o'rtasida sun'iy ziddiyatlar «yaratildi». Bugungi kunga qadar tomoshabinlar e'tiboriga havola etib kelinayotgan ekran va sahna asarlarida ham shoh va shoir o'rtasidagi qarama-qarshilik o'ta darajada bo'rttirib ko'rsatildi. Bu ziddiyatni yanada kuchaytirib ko'rsatish maqsadida to'qima Guli obrazidan foydalanildi. Ayniqsa, valiahd shahzoda Mo'min Mirzoning o'limi sababli Navoiy va Husayn Boyqaro munosabatlari batamom yakun topgani aks ettirildi. Oqibatda bir muddat haqiqatning ko'zlariga qora parda tortildi.

**Saroydagi fitnalar, ayrim amaldorlarning qutqusi tufayli Husayn Boyqaro o'z do'stini saroydan uzoqlashtirib, Astrobodga hokim etib tayinlagani bor gap. Biroq har-chand urinishmasin, saroy ahli ikki do'st orasiga nifoq urug'ini eka olishmagan. Aks holda, Alisher Navoiy ko'plab asarlarida o'z qadrdon do'sti uchun alohida boblar ajratmagan, uning insoniy fazilatlarini sidqidildan e'tirof etmagan bo'lardi.**

Navoiyning Husayn Boyqaroga munosabati hamisha samimiy bo'lgan. Hatto uni o'ziga ustoz deb bilgan. Shuning uchun ham «Hayratul ul-abror» dostonida ham so'z va uning ma'nisidan so'ng Husayn Boyqaroga bag'ishlov keladi. Shunisi qiziqki, Navoiy o'z asarlarida uni qanchalik madh

etgan bo'lsa, sulton ham buyuk shoirni undan kam ulug'lamagan.

### FAN VA MADANIYAT HOMIYSI

Temuriy shahzodalar orasida jasoratli, mard, odil va tadbirkor saltanat sohibi bo'lgan Husayn Boyqaro hukmronlik qilgan davrda Xuroson fuqarolari birmuncha osoyishta va farovon hayot kechirgan. Shuningdek, mamlakatda yirik suv inshootlari, ma'muriy va madaniy qurilishlar, madrasa, masjid, karvonsaroy, rabotlar, ko'priklar va shu kabi qurilish ishlari keng ko'lamda olib borilgan. Shu bois Hirotda fan va madaniyat markaziga aylangan edi. Ilm-u fanning barcha jabhalarida qalam tebratgan bilimdon olimlar, so'z ustalari, adiblar, shoirlar, musiqashunoslar, hunarmand naqqoshlar va musavvirlar uning dovruq'ini jahonga taratgan.

Hirotda ko'plab madaniy-maishiy binolarni qurdirgan shahanshohning yaqin kishilari hamda bek va amirlari ham o'z nomlarini abadiylashtirish maqsadida masjid, madrasa, rabot, ko'prik, hammom va shunga o'xshash qurilishlar bilan shahar ko'rkini yanada jilolantirgan. Chunonchi, Husayn Boy-



*Sulton Husayn Boyqaro, u kishining validasi va farzandlari mangu qo'nim topgan joy. Afg'oniston.*

qaro Gozurgoh yaqinida o'z nomiga madrasa, Hirotda tashqarisida «Bog'i bayt ul-imon» va «Bog'i xamsa oroyi» bog'larini barpo etgan. Badiuzzamon Mirzo nomi bilan ataluvchi «Madrasayi Badi'a» ham Husayn Boyqaro davrining ulkan obidalaridan biridir. Shuningdek, bu qurilishlarning bosh mutassadisi bo'lgan Navoiy ham o'z hisobidan bir necha madaniy-maishiy binolar, chunonchi «Safoiya» nomli hammom va «Shifoia» nomli kasalxona qurdirgan.

Xurosonda qirg'ga yaqin yirik inshootlar Husayn Boyqaro davrida vujudga kelgan va Hirotda atrof-tevarakdan olimlar, shoirlar, adiblar, rassomlar, xattotlar, musiqachilar va



boshqa har xil hunar ahllari kirib kela boshlagan. Jumladan, o'sha davrda tabib Husayn Jarroh, Sayyid Ahmad g'ijjak, Shohquli g'ijjak, Qul Muhammad udiy, Husayn udiy, Shayx Foni noilar, Xoja Mirak naqqosh, Mavlono Xoja Muhammad naqqosh va Kamoliddin Behzodlar o'z mahoratlari bilan, Navoiy va Jomiydan tashqari, Shayxim Suhayliy, Husayn Ali Tufayliy, Osafiy, Binoiy, Sayfi Buxoriy, Mir Husayn Muammoiy, Mullo Muhammad Badaxshiy, Yusuf Badiiy, Ohliy, Shoh Husayn Koshiy, Hiloliy Ahliy, Muhammad Solih va boshqalar o'z ijodlari bilan Xuroson faxri hisoblangan.

**Husayn Boyqaro qadimgi turk tilining taqdiriga befarq bo'lmay, uning rivoji uchun qator chora-tadbirlarni amalga oshirgan. O'sha davrda arab va fors tillariga e'tibor berilib, turk tili kamsitilgan. Ana shunday sharoitda Husayn Boyqaro yozuvda turk tilini iste'molga kiritish borasida maxsus farmon bergan. Bu dadil qadam mamlakatning siyosiy, ijtimoiy va madaniy hayotida katta voqea bo'lgani shubhasiz.**

### QORA KUNLAR OSTONASI

Alisher Navoiydek do'sti va vaziri mutasaddiligidagi mamlakatni obod, elni ma'mur qilgan, biroq keyinchalik umri azizining aksar qismini maishatbozlik bilan o'tkaza boshlagan Husayn Boyqaro hayotida qora kunlar ko'p bo'lgan. Aslida silsilaga aylangan qora kunlar debochasi Xadichabegim sulton saroyiga qadam qo'ygan kundan boshlanadi.

U yosh, go'zal, lekin yengiltabiat ayol bo'lgan. Boz ustiga, ichi qoralik va makr-hiyla uning tabiatini «bezab turgan». Usti yaltiroq, ichi qaltiroq Xadichabegim goh jozibali husnu la-tofati, goh makkorona iltifotini ishga solib, sultonni o'ziga rom qilib oladi va haramda ulug' bekalik maqomini egallaydi. Ish shu darajaga borib yetadiki, Husayn Boyqaroning mayi nob pardalagan ko'zlari xotinlari va kani-zaklaridan tug'ilgan 14 o'g'li va 11 qizi ichida faqat Xadichabegim dunyoga keltirgan Shohg'arib Mirzo va Muzaffar Husayn Mirzonigina ko'rardi, xolos.

Hatto taomilga ko'ra, valiahdlik katta o'g'il Badiuzzamonga tegishli bo'lsa-da, Xadichabegim taniq va shuhrastparast Muzaffar Husayn Mirzoni ota taxtiga chiqarish payiga tushadi. Bu yo'lda hech narsadan qaytmaydigan makkor ayolning hiylalari ish berib, Husayn Boyqaro suyuqli nabirasi Mo'min Mirzoning qotiliga aylanadi. Bu nafaqat sultonning, balki salkam bir yarim asr hukmronlik qilgan temuriylar sulolasining ham boshiga tushgan qora kun edi.

Sultonni qadamba-qadam ta'qib qilayotgan qora kunlar do'sti Alisher Navoiydan ayrilganidan keyin yanada quyuqlashadi. Chunki mo'r-malaxdek yopirilib kelayotgan Shayboniyxon qo'shini Amudaryoni kechib o'tib, Balxni egallagan, endi navbat Hirotda kelgandi. Katta kuch oldidagi ketma-ket mag'lubiyatlar, eng yaqin do'stidan ayrilish, tinimsiz sharobxo'rliklar o'z ta'sirini o'tkazgan – Husayn Boyqaro tirik murdaga aylanib bo'lgandi. Buyragi va jigarining ishdan chiqishi, vujudini kemirayotgan og'ir xastaliklar va so'ngsiz mag'lubiyatlar alamidanda hushidan ketgan sultonni o'ldi deb o'ylab, saroyga yaqinlashgan dushman ko'zidan yashirish maqsadida shoshilinch dafn qilishadi. Bu Husayn Boyqaro hayotidagi eng qora kun edi.

### XULOSA O'RNIDA

Sobiq ittifoq davrida bizni ma'naviy ildizlarimizdan ayirishga, el suv ichgan buloqlarimiz ko'zini turli yo'llar bilan yopishga zo'r berib urinishdi va bir qadar bunga erishishdi ham. Xususan, «Husayniy» taxallusi bilan qalam surgan Husayn Boyqaro ham «hukmron tabaqa vakili» sifatida xalq ko'ziga «olabo'ji» qilib ko'rsatildi. Biroq asrlar o'tsa-da, bu ijodkorning shoirona shu-uri, o'tkir badiiy nigohi bor bo'yi bilan namoyon bo'lgan asarlari tarix taloto'plaridan o'tib, bizning kunlarga yetib keldi. 1991-yilda nashr etilgan «Jamolingdin ko'zum ravshan» nomi ostidagi g'azallari, 1995-yilda o'quvchilar qo'lga yetib borgan falsafiy mavzudagi «Risola»si hamda devonini o'zida jo etgan «Shoh va shoir Husayn Boyqaro» kitoblari fikrimizning yaqqol dalilidir.

**Temir QURBON,**  
filologiya fanlari nomzodi.

★ В центре внимания — вопросы женщин

## СОГЛАСИЕ НАЧИНАЕТСЯ С СЕМЬИ

В последние годы обеспечение прав и законных интересов женщин, достижение гендерного равенства, защита семьи, материнства и детства, а также улучшение условий жизни женщин за счет развития женского предпринимательства стали приоритетными направлениями государственной политики. Существенный вклад в реализацию этих задач наряду с другими государственными органами и общественными структурами вносят и органы внутренних дел.

Показательным в этом плане является опыт Нукусского района, где проживают свыше 56 тысяч человек, из которых более 26 тысяч – женщины. За отчетный период старшим инспектором по вопросам женщин Управления профилактики правонарушений СОБ ОВД района подполковником Ритой Сармановой было изучено около 400 домовладений. В результате выявлено 26 проблемных вопросов, 18 из которых на сегодняшний день решены.

Так, в ходе изучений, проведенных в Акмангите, гражданка К. А. обратилась с просьбой о содействии в трудоустройстве. С учетом ее специальности и после консультаций с «махаллинской семеркой» она была трудоустроена.

Особое внимание уделяется предупреждению и пресечению бытового насилия. 142 женщинам выданы охранные ордера. В частности, установлено, что жительница схода граждан

Общество, заботящееся о своем будущем, уделяет особое внимание вопросам женщин, стремится создать для них благоприятные условия и окружить заботой.



аула Такиркул Н. Т. подвергалась притеснению со стороны супруга вследствие его ревности и злоупотребления спиртными напитками. Женщине оформлен охранный ордер, она размещена в центре реабилитации и социальной помощи. Совместно со специалистами центра были приняты меры по устройству ее троих детей в школу по месту временного проживания, оказана психологическая, правовая и социальная помощь, организовано профессиональное обучение.

Параллельно проводилась разъяснительная работа с супругом о последствиях нару-

шения требований охранный ордера и необходимости сохранения семьи. В результате принятых мер спустя определенное время семейные разногласия были устранены, супруги трудоустроены на швейную фабрику, что позволило предотвратить развод.

Профилактика правонарушений и преступлений среди женщин, повышение их правовой грамотности, всестороннее изучение и поддержка требуют высокой ответственности. В текущем году благодаря профилактической работе не допущено совершения преступлений среди женщин.

– Мошенничество и кражи остаются наиболее распространенными видами преступлений, при этом большинство пострадавших – женщины. В ходе профилактических мероприятий особое внимание уделяется повышению правовой грамотности соотечественниц, – отмечает подполковник Рита Сарманова. – В текущем году в 11 неблагополучных семьях установлены тревожные кнопки, что способствует укреплению стабильности в семейной обстановке.


**Азамат ПИРНИЯЗОВ,**  
соб. корр.  
Республика Каракалпакстан.

★ Слово о коллеге

## РАСКРЫТО ПО ГОРЯЧИМ СЛЕДАМ

Приняв в шесть утра сообщение о краже коровы, дежурный Ханкинского РОВД доложил об этом рапортом начальнику и направил опергруппу к месту происшествия.

Прибыв по указанному адресу, капитан Достон Рахимов, входящий в состав опергруппы, вместе с владельцем пропажи выехали на скотный рынок. Возле входных ворот владелец признал свою



корову, которую уже уведили с рынка.

– Только что купил ее у одного парня, – сказал незнакомец.

Капитан Рахимов попросил описать продавца. Затем побеседовал с другими людьми, в том числе с теми, кто занимается перепродажей крупного рогатого скота. Таким образом, удалось установить личность предполагаемого подозреваемого – некоего Н. Д. Вскоре было определено его место проживания.

...Злоумышленник вернулся домой с рынка и

пил чай. Увидев незваных гостей, он попытался скрыться. Но капитан, проявив хладнокровие и профессионализм, задержал его.

Подозреваемый сознался, что украл корову и продал на рынке.

За оперативное раскрытие преступления капитан Достон Рахимов приказом начальника УВД Хорезмской области был поощрен.

**Чингиз ИБРАГИМОВ,**  
первый заместитель  
начальника  
Ханкинского РОВД,  
майор.

Хорезмская область.

## KASB FIDOYISI

ISHIMIZDA ANIQLIK MUHIM  
deydi kichik serjant Gulmira Otaqulova

Ichki ishlar organlarida xizmat qilish insondan yuksak mas'uliyat, mustahkam iroda va fidoyilik talab qiladi. Chorak asr umrini shu sharaflı sohaga bag'ishlagan kichik serjant Gulmira Otaqulovani chinakam kasb fidoyilaridan biri desak, aslo mubolag'a bo'lmaydi.

Lavhamiz qahramoni ayni paytda Navoiy viloyati IIB JXX JTSB Kanselyariya boshlig'i lavozimida faoliyat yuritadi. Har bir hujjatning to'g'ri yuritilishini, o'z vaqtida ijrosini ta'minlash Gulmira opaning ish uslubining asosiy tamoyilidir. Ichki ishlar organlari faoliyatini tartibga soluvchi buyruq va yo'riqnomalarni puxta o'zlashtirgan xodima kasbiy bilimlarini boyitish uchun tinimsiz o'z ustida ishlaydi.

Turmush o'rtog'i Sohib Qutiyev ham ichki ishlar organlarida uzoq yillar samarali xizmat qilib, pensiyaga chiqqan. Ikkalasi turmushda ham, xizmatda ham bir-birlarini har tomonlama qo'llab-quvvatlab kelgan baxtli juftlik.

Gulmira opa tabiatan xushchaqchaq, ochiqko'ngil, oqila ayol. Xizmatda esa g'ayrat-shi-

joatli, tashabbuskor. U jamoada tartib-intizomni mustahkamlashga, ma'naviy muhitni yaxshilashga munosib hissa qo'shmoqda. Shuningdek, ko'p yillik tajribasini yosh xodimlarga o'rgatyapti, maslahat so'raganlardan hech qachon yordamini ayamaydi.

– Ishimizda aniqlik muhim. Yosh xodimlarga doimo hujjatlarda aslo xatoga yo'l qo'yish mumkin emasligini, ularni yuritish tartib-qoidalarini tushuntiraman, – deydi Gulmira Otaqulova.

Aynan lavhamiz qahramoni kabi intizomli, fidoyi va xushmuomala xodimlar ichki ishlar organlarining nufuzini, aholi o'rtasidagi obro'-e'tiborini oshiradi.

**Mahliyo XOLOVA,**  
o'z muxbirimiz.

Navoiy viloyati.



## NUQTAYI NAZAR

## RAQAMLI AVLOD BO'LIB ULG'AYMOQDAMIZ, BIROQ...

**Kecha kutilmaganda dugonam plastik kartasidan kimdir bo'lib-bo'lib bir million so'mdan ortiq pullarini yechib olganini aytib qoldi. U bugun vaziyatga oydinlik kiritish maqsadida avval bankka, keyin IIBga borib, ariza yozib kelibdi. Ochig'i bunday holatlar haqida ko'cha-ko'ya, ijtimoiy tarmoqlarda eshitganim rost. Biroq shundoq yonginangda bunday voqea sodir bo'lsa, odam baribir hayratlanar ekan.**

Men talabaman. Universitetimizda ta'lim jaryonlaridan tortib, baholash tizimigacha axborot texnologiyalari ko'magida amalga oshiriladi. Bu bizga tezkorlik jihatdan qator qulayliklar yaratadi, albatta. Aniqrog'i, birgina axborot kutubxona tizimi orqali barcha topshiriqlarni bajarishda xohlagan adabiyotlardan bemalol foydalanamiz. Ijtimoiy tarmoqlar, aksariyat holda telegram talabalar, ustozlar o'rtasida dars jarayonlari xususida muloqot qilish maydoniga aylanib ulgurgan. Aytgancha, to'lov masalalarida turli ilovalar borligi ham ayni muddao. Biroq dugonamning pullari o'z-o'zidan «g'oyib bo'lishi» meni axborot texnologiyalarining

qator qulayliklarini tarozini bir pallasiga va insof, diyonat, vijdon, halollik kabi insoniy fazilatlarini uning ikkinchi pallasiga qo'yib o'ylab ko'rishga undadi. Demak, bugun kibermakonda qanchalik imkonlarimizdan yayrab foydalansak, bu olamda urchib borayotgan jinoyatlar odamlarda ishonchsizlik, hadik uyg'onayotgani ham bejizga emas ekan-da. Aks holda «Men plastigimda pul saqlashdan qo'rqaman», «Telefonga kelgan kodni begonaga aytman» qabilidagi gap-so'zlar qulog'imizga chalinmagan bo'larmidi. Qolaversa, ommaviy axborot vositalarida odamlarning soddaligidan foydalanib turli yo'llar bilan qanchadan-qancha mablag'larni o'zlashtirgan «uddaburonlar»

haqida yozilyapti. Ming afsuski, bu kabi xabarlar ko'pchilikka yangilik emas, ogohlik chaqirig'i bo'lib eshilityapti.

Xalqimiz tilida «O'zingga ehtiyot bo'l, qo'shningni o'g'ri tutma!», degan maqol bor. Ayni kibermakonda shu maqoldagi o'g'ri so'zini xaker bilan almashtirsak ham ma'no buzilmaydigan sharoitga kelib qolmadikmikan, deb o'ylanib qolasan kishi...

Biz axborot texnologiyalari toбора taraqqiy etib borayotgan zamonda yashayapmiz. Birgina xotin-qizlarning axborot texnologiyalar sohasidagi rolini oshirish, ularni zamonaviy kasblarga yo'naltirish hamda g'oya va loyihalarini qo'llab-quvvatlash maqsadida o'tkazib kelinayotgan

«Raqamli avlod qizlari» loyihasi minglab qizlarni bir maqsad yo'lida birlashtirib, aynan shu sohadagi bilimni namoyish etish, kerak bo'lsa o'qish, o'rganish imkoniyatini yaratmoqda. Ijtimoiy tarmoqlar cheksiz axborotlar olami ekanligini anglab ulgurdik. Shu bilan bir qatorda uning imkonlariga soyadek ergashib kelayotgan illatlarni insoniy fazilatlar kushandasi deyishimiz mumkin. Buning sababi bizga bobo-buvilarimiz «Birovning haqqiga ko'z olaytirma», «Insofli, diyonatli bo'l», «Birovniki buyurmaydi», «Halol rizq – totli bo'ladi», deya o'rgatishgan. Bugun kimningdir mehnati ortidan yiqqan pullarini kodini aldov yo'li bilan qo'lga kiritib, «daromad» orttirayotganlarda insof, halollik, diyonat fazilati tugul vijdon tushunchasi bor, deya olasizmi?..

Ha, biz raqamli avlod bo'lib ulg'aymoqdamiz. Biroq oramizda niyati har qaysi makonda, zamonda sovuq va uning odamiylik chegarasiga sig'maydigan nafi o'z manfaati uchun o'nlab insonlarning cho'ntagiga, daromadiga tikilganlar ham yo'q emas. Shunday ekan, kibermakonda ogohlik har kuni, har onda kerak.

**Maftuna SHUHRATOVA,**  
Toshkent davlat sharqshunoslik universiteti talabasi.



## YOSHLAR – KELAJAK BUNYODKORI

## BIZNING FAXRIMIZ

Joriy yilning 24-noyabr – 4-dekabr kunlari bo‘lib o‘tgan Asosiy fan olimpiadasining Jizzax viloyat bosqichida 15 ta fan yo‘nalishida salkam 30 ming nafar o‘quvchi ishtirok etdi. IIV Jizzax akademik litseyining 2-bosqich o‘quvchisi Davlat Ergashev huquq fanidan faxrli birinchi o‘rinni egallab, bilim bobida tengdoshlari orasida tengsiz ekanini ko‘rsatdi.

Bu Davlatning ilk yutug‘i emas. U o‘tgan o‘quv yilida ham aynan huquq fani bo‘yicha olimpiada-ning hududiy bosqichida g‘olib bo‘lgandi. Joriy yilda 86,5 ball to‘plab, o‘tgan yilgi ko‘rsatkichini yanada yaxshiladi.

– Litseyimizda konstitutsiyaviy huquq, fuqarolik

va oila huquqi, ma‘muriy huquq, jinoyat huquqi, davlat va huquq tarixi va nazariyasi kabi umumta‘lim fanlari chuqurlashtirilgan tarzda, zamonaviy pedagogik texnologiyalardan foydalanilgan holda o‘tiladi. Bu nafaqat huquq amaliyoti, balki qonun ijodkorligi uchun ham boshlang‘ich poydevor bo‘lib

xizmat qiladi, – deydi huquq fani o‘qituvchisi Feruza Nosirova.

Davlat o‘z natijalarini akademik litseydagi ta‘lim jarayoni, ustozlari bilan bog‘laydi.

– Huquq, ingliz tili fanlarini qunt bilan o‘rganyapman, – deydi u. – Yaqinda ingliz tili bo‘yicha milliy sertifikat imtihonini topshirdim. Sport bilan shug‘ullanaman. Litsey hayoti o‘z ustimda ishlash,

bo‘lg‘usi kasbiy ko‘nikmalarga ega bo‘lish, ijobiy fazilatlarni shakllantirishga sabab bo‘lmoqda.

**Muqaddas SAPAROVA.**  
Jizzax viloyati.



## YANGI O‘ZBEKISTON INSHOOTLARI

BOBUR SHAHRI  
andijonliklarning birligi va irodasi timsolidir

Bugun Andijonda bunyod etilayotgan Bobur shahri nafaqat zamonaviy qurilish loyihasi, balki andijonliklarning birligi, g‘ayrat-shijoati va irodasining yorqin namunasidir. Bir paytlar foydalanilmay turgan adirlıklardan iborat bu hudud bugun tamoman boshqacha qiyofa kasb etdi. Andijon tumanidagi hech qanday maqsadga xizmat qilmagan mazkur yerning bag‘rida endi ko‘zga yaqqol tashlanib turadigan firdavsmonand shahar qad rostlamoqda.

Loyihaning umumiy hududi 4 ming gektarni tashkil etadi. Qurilish ishlari sakkiz bosqichda amalga oshiriladi. Hozirga qadar 1 ming 770 xonadondan iborat 63 ta ko‘p qavatli uy foydalanishga topshirildi. Shuningdek, 1 ming 680 o‘rinli maktab, 420 o‘rinli bolalar bog‘chasi va 250 qabulga mo‘ljallangan poliklinika ham barpo etildi. Aholi bandligini ta‘minlash maqsadida yengil sanoat korxonasi faoliyat boshladi, xizmat ko‘rsatish sohasida qulaylik yaratish uchun «Ipoteka markazi» yo‘lga qo‘yildi.

Shaharga ko‘chib kelgan oilalar soni kun sayin ortib bormoqda. Chunki aholi uchun barpo etilgan zamonaviy infratuzilma hududning tez suratda jonlanayotganidan dalolat beradi. Yil oxiriga qadar yana mingdan ziyod xonadonga ega 40 ta ko‘p qavatli uy foydalanishga topshiriladi.

Shahar infratuzilmasi mutlaqo yangicha yondashuv asosida barpo etilmoqda. Elektr, tabiiy gaz, ichimlik suvi, issiqlik ta‘minoti va barcha boshqa kommunikatsiyalar yerosti yo‘laklari orqali o‘tkazilgan. Bu usul hali Markaziy Osiyo davlatlarida qo‘llanilmagan zamonaviy texnologiya sifatida ahamiyatga ega. Eng asosiysi – kelgusida ta‘mirlash ishlari



zarur bo‘lganda asfaltni buzishga hojat qolmaydi, barcha texnik xizmat ko‘rsatish ishlari yerosti yo‘lagining o‘zida amalga oshiriladi.

Suv ta‘minoti tizimi ham mustahkam va barqaror. 4 ming kub metr sig‘imli maxsus suv inshooti tufayli, ehtimoliy uzilishlar yuz bergan taqdirda ham, bir hafta davomida aholi ichimlik suvi bilan uzluksiz ta‘minlanadi. Oqova suvning 90 foizi qayta ishlanib, shahar hududiga qarashli tomorqalarni sug‘orishga yo‘naltiriladi.

Yashil hududlar qurilishning muhim tarkibiy qismi bo‘lib xizmat qilmoqda. 19 gektar maydonda

barpo etilgan «Yangi O‘zbekiston» bog‘iga o‘n mingdan ziyod manzarali daraxt va gullar ekilib, shahar aholisi uchun madaniy hordiq chiqarish maskani yaratildi. Amfiteatr, bolalar o‘yingohlari, yoritish tizimlari va piyodalar yo‘laklari bog‘ning jozibasini yanada oshirmoqda.

– Yangi shahar hududida tinchlik-osoyishtalikni ta‘minlash, aholi turmush sharoitiga xalal beruvchi har qanday xavfning oldini olish choralari ko‘rilgan, – deydi hudud profilaktika inspektori, mayor Muhammadrizo Soliyev. – Har bir turarjoyga kuzatuv kamerasi o‘rnatilgan. Jamoatchilik asosida

navbatchilik guruhlar faoliyat olib bormoqda. Ijtimoiy tarmoqlarda tashkil etilgan maxsus guruhlar orqali aholining turmush tarzi va muammolarini o‘rganib boramiz. Shu orqali ularga amaliy yordam berib, yuzaga kelishi mumkin bo‘lgan turli ko‘ngilsizliklarning oldi olinmoqda. Fuqarolar orasida olib borilayotgan targ‘ibot va tushuntirish ishlari ham o‘z samarasini beryapti. Bunda, ayniqsa, nuroniy otaxonlar va otinoyilar ishtirokidagi uchrashuvlar manfaatli bo‘lmoqda. Sa‘y-harakatlar natijasida shu kungacha birorta qonun buzilishi holati qayd etilmadi.

Loyihaning kelgusidagi bosqichlari yanada keng qamrovli: 1 ming 439 gektarda 2 mingta ko‘p qavatli uy barpo etish, 1 ming 820 gektar hududni esa yashil maydonlarga aylantirish rejalashtirilgan. Loyiha to‘liq amalga oshirilganda, bu shaharda 410 mingdan ziyod aholi istiqomat qilishi mumkin bo‘ladi. Turarjoygina emas, balki madaniyat, san‘at va irod maskaniga aylanadigan yangi shaharning qad rostlashi nafaqat hududning qiyofasini, balki aholi turmush darajasini ham mutlaqo yangi bosqichga olib chiqadi.

**Saminjon HUSANZODA,**  
o‘z muxbirimiz.  
Andijon viloyati.



## INSONPARVARLIK TAMOYILI

## AFV ETILGANLAR E'TIBORDA

**Konstitutsiya kuni arafasida davlatimiz rahbari tomonidan jazo muddatini o'tayotgan, qilmishiga chin ko'ngildan pushaymon bo'lgan va tuzalish yo'liga qat'iy o'tgan 615 nafar fuqaroning afv etilishi ularning hayotiga, oilasiga behad xursandchilik olib kirdi.**



Jizzax viloyatidan 24 nafar jazo muddatini o'tayotgan shaxs mazkur ro'yxatga kiritilib, ularning katta qismi jazodan ozod etilgan bo'lsa, 4 nafarining jazo muddati qisqartirildi.

Hozirgi kunda o'z xonadoniga yetib kelgan afv etilganlarning yashash sharoiti, muammolari o'rganilishi boshlab yuborilib, ular tibbiy ko'rikdan o'tkazildi. Tuman-shahar IIBlari boshliqlari ishtirokida qabullar tashkil qilinib, aniqlangan muammolarni hal etish bo'yicha tegishli idora va tashkilotlar bilan hamkorlikda ish olib borilishi belgilandi. Shu bilan birga, afv etilganlar hududiy Kambag'allikni qisqartirish va bandlik markazlarida ro'yxatga olinib, har biriga mahalla faollari murabbiy sifatida biriktirildi.

Zarbdor tumanida istiqomat qiluvchi ozodlikka chiqarilgan 4 nafar

fuqaro bilan tuman va tegishli soha rahbarlari ishtirokida uchrashuv o'tkazildi. Uchrashuv davomida afv etilgan fuqarolarning hayotga qayta moslashuvi, jamiyatga integratsiyasi, qolaversa, ularni ish bilan ta'minlash, muammolarini o'rganish va hal etish borasida mas'ul tashkilot rahbarlariga aniq topshiriqlar berildi.

Mazkur jarayon insonparvarlik siyosatining amaliy ifodasi bo'lib, yaratilgan imkoniyatlardan to'g'ri foydalanish, yangi hayot boshlash uchun zamin yaratadi. Afv etilganlarning jinoyat yo'liga qayta qadam bosmasligi uchun davlat va jamoat tashkilotlari tomonidan ishlar davomli va tizimli tarzda olib boriladi.

**Adham SHERMAMATOV,**  
katta leytenant.

Jizzax viloyati.

## OGOHLIK

KIBERJINOYATLARDAN XABARDORLIK  
ijobiy natija bermoqda

**So'nggi yillarda axborot texnologiyalari yutuqlarining kundalik hayotimizga keng qo'llanilishi fuqarolardan o'z shaxsiy ma'lumotlariga yanada ehtiyotliroq bo'lishni taqozo etmoqda. Chunki oddiy e'tiborsizlik yoki bilib-bilmay qilingan xatti-harakatlar turli qilmish va jinoyatlarning kelib chiqishiga sabab bo'lmoqda.**

Yaxshisi, fikrimiz tushunarli bo'lishi uchun hayotiy misollar keltiraylik. Joriy yilning noyabr oyida S.O. ro'zg'orning kam-u ko'stini butlash uchun bozorga tushgan edi. Xaridlar davomida naqd puli yetmay qolgani-da, bank plastik kartasidan to'lab bordi. Qo'lidagi narsaga to'lgan sumkalarni arang ko'tarib bozordan chiqdi-yu, taksi chaqirish uchun cho'ntagidagi uyali telefonini izladi. Uni cho'ntagidan ham, sumka ichidan ham topolmadi. Noiloj bozor ichiga qaytib, borgan joylaridan surishtirib ko'rdi. Hech kim bilmasdi, ko'rmagan edi.

Yo'qolgan telefonni izlab topish uchun ichki ishlar organiga qilgan murojaati davomida undagi «Clik» ilovasiga ulangan «Xalq banki»-ga tegishli bo'lgan bank plastik kartasidan 9 million 900 ming so'm pullarning noma'lum shaxslar tomonidan yechib olingani ma'lum bo'ldi. Ushbu murojaatga ko'ra, Qoraqalpog'iston Respublikasi IIV ATSJQKB xodimlari tomonidan o'tkazilgan texnik tadbirlar hamda

to'lov tashkilotlariga yuborilgan so'rovnomalardan olingan ma'lumotlar asosida mazkur jinoyatni sodir qilgan shaxs aniqlanadi. U 1978-yili Farg'ona viloyatida tug'ilgan ayol Z.N. ekan.

Shunga o'xshash holatga tushganlardan yana biri nukuslik D.K. bo'ldi. U kunlarning birida o'zining uyali telefonidan «UZUM NASIYA» ilovasi orqali noma'lum shaxs tomonidan 5 million 760 ming so'm pulni limit orqali kredit qilib chiqarib olinganini ko'rib hayron qoladi. Kimga, qachon telefonini uzoq vaqt foydalanishga berganini eslay olmagani, ustiga-ustak nohaq kimdandir shubhalanishini ep ko'rmagani sababli ushbu holatga oydinlik kiritish maqsadida ichki ishlar organiga murojaat qilishga majbur bo'ladi. Xodimlar tomonidan olib borilgan qidiruv ishlari natijasida aybdor jabrlanuvchining qizi ekanligi aniqlanadi.

Yuqorida misollarni o'qib amin bo'lganingizdek, axborot texnologiyalari asri deb nom olgan bizning davr-

da o'z shaxsiy ma'lumotlarining saqlanishiga e'tiborli bo'lish, talab qilinadigan xavfsizlik choralariga rioya etish juda muhim hisoblanadi. Shu boisdan, aholining bu boradagi xabardorlik darajasi va savodxonligini oshirib borish zarur. Chunki bu turli ko'rinishdagi kiberjinoyatlarning oldini olishdagi eng to'g'ri yo'ldir.

Qoraqalpog'iston Respublikasida o'tkaziladigan tadbirlarga keng jamoatchilikni jalb qilish maqsadida ma-

yettilligi ishtirokida seminar-treninglar o'tkazildi. Ijtimoiy tarmoqlarda kiberjinoyatlardan ogoh bo'lish yuzasidan bir nechta tillarda videomateriallar, matnlar joylashtirilib, aholi gavjum joylar, korxona va tashkilotlarga bannerlar o'rnatildi. Mahalliy televideniye va radio kanallari orqali har kuni praym taym vaqtlari ijtimoiy rolik, brifing hamda ovozli xabarlar berib borildi. Bundan tashqari, Nukus shahridagi taksi ilovalariga ovozli ogohlanti-

ni to'plash va saqlashda, albatta, ma'lum bir tartib-larga rioya etishni talab qiladi. Chunki o'g'irlangan ma'lumotlardan turli g'araz maqsadlarda foydalanish yoki o'zganing nomidan pul mablag'larini o'zlashtirish kabi holatlar uchrab turibdi, – deydi Qoraqalpog'iston Respublikasi IIV ATSJQKB MTB inspektori, kapitan Shuhrat Uzakbergenov.

Shunday ekan, har qanday jinoyatning oldini olishda targ'ibot-tashviqot ishlari eng samarali usullardan hisoblanadi. Aholi o'rtasida kiberjinoyatlarning profilaktikasi yuzasidan o'tkazilgan ushbu tadbirlar ham o'zining ijobiy natijasini bermoqda. Buni birgina noyabr oyi misolida olib qaraydigan bo'lsak, murojaatlar soni oldingi davrlarga solishtirganda 3,9 foizga, oktabr oyiga nisbatan esa 5,7 foizga kamaydi. Bu aholining xabardorlik darajasi oshgani sababli kiberjinoyatlar sonining kamayganligidan darak beradi. Shuningdek, ilgari fosh etilmasdan kelayotgan jinoyatlarning 19 tasi ochilib, 680 million so'mdan ortiq zararining qoplanishi ta'minlandi. Ayni kunda ham bu boradagi ishlar davom ettirilmoqda.

**Azamat PIRNIYAZOV,**  
o'z muxbirimiz.  
Qoraqalpog'iston Respublikasi.



halliy OAV vakillari hamda taniqli blogerlar ishtirokida matbuot anjumani tashkil etilib, targ'ibot oyligiga start berildi. Shuningdek, uni yanada samarali tashkil etish uchun 11 ta yo'nalishda tanlovlar o'tkazildi. Tuman-shaharlarda mutasadi tashkilotlar mas'ullari bilan hamkorlikda mahalla

rish tizimi joriy etilib, barcha tuman-shahar IIB boshliqlari va hududiy profilaktika inspektorlari tomonidan ijtimoiy tarmoqlarda aholini ogohlikka chaqiruvchi chiqishlar qilindi.

– Axborot texnologiyalari, raqamlashtirish jarayonning kun sayin jadal taraqqiy etib borishi ma'lumotlar-



Урок духовности и просвещения

# НОВЫЙ УЗБЕКИСТАН – ПРОСВЕЩЕННОЕ ОБЩЕСТВО

**«Идеологией создаваемого нами Нового Узбекистана будут доброта, человечность, гуманизм. Когда мы говорим об идеологии, то имеем в виду, прежде всего, воспитание разума, воспитание национальных и общечеловеческих ценностей. В их основе лежат тысячелетние жизненные представления и ценности нашего народа».**  
**Шавкат МИРЗИЁЕВ.**



В условиях стремительных реформ, происходящих в стране в последние годы, особое значение приобретает идея формирования нового, просвещенного общества. Понятие «Новый Узбекистан» выходит далеко за рамки социально-политического обновления – оно отражает глубокие духовные преобразования, где во главу угла ставятся знания, воспитание, культура и ответственность каждого гражданина перед будущим своей Родины.

Основным ориентиром этих перемен становится человек – его внутренний мир, уровень образования, нравственные качества и готовность вносить вклад в развитие страны. Именно поэтому внимание к просвещению, духовности и культуре сегодня рассматривается как стратегический приоритет. Воспитание всесторонне развитой личности, способной мыслить свободно, работать созидательно и жить в гармонии с обществом, становится ключевым условием устойчивого развития государства.

В последние годы в Узбекистане реализуются крупные инициативы, направленные на повышение духовного потенциала нации: укрепляется система народного образования,

поддерживаются научно-исследовательские школы, создаются современные культурные пространства, библиотеки и центры национальных искусств. Большое внимание уделяется сохранению исторического наследия, которое служит важным источником нравственной силы и формирует чувство уважения к своим корням. Все это способствует тому, что общество становится более открытым, образованным и восприимчивым к новым знаниям.

Одним из ключевых направлений духовного обновления является развитие культуры чтения и критического восприятия информации. Создание условий для того, чтобы книги и знания стали естественной частью повседневной жизни граждан, – важная составляющая государственной политики. Сегодня по всей стране открываются современные библиотеки, книжные фестивали, проводится работа по популяризации отечественной литературы и переводных изданий. Это помогает молодежи формировать собственное мировоззрение, понимать ценность знаний и выбирать путь личностного роста.

Неотъемлемым элементом просвещенного общества является уважение к националь-

ным традициям и духовному наследию. Принцип «духовность – основа развития» отражается в образовательных программах, общественных проектах, работе махаллей и культурных учреждений. В центре этих усилий – воспитание гармоничной личности, в которой сочетаются интеллект, нравственность и чувство ответственности за судьбу своей страны. Через такие инициативы в обществе постепенно укрепляется атмосфера взаимоуважения, трудолюбия и созидательного подхода к жизни.

Большое значение имеет и развитие гражданской активности. Новый Узбекистан – это общество, в котором каждый человек чувствует свою причастность к общему делу. Поддержка общественных инициатив, развитие институтов гражданского участия, открытость государственных органов и диалог с населением становятся реальными механизмами, позволяющими людям влиять на позитивные изменения вокруг себя. Просвещенный гражданин – это не только человек, владеющий знаниями, но и тот, кто умеет применять их на благо общества.

Важная роль принадлежит молодежи, которая рассматривается как движущая сила совре-

менного развития. Создаются возможности для получения качественного образования, освоения новых профессий, участия в научных и инновационных проектах. Поддержка талантливой молодежи, расширение международных образовательных программ и внедрение современных образовательных технологий способствуют формированию нового поколения – активного, инициативного, открытого миру и готового приносить пользу своей стране.

Таким образом, идея «Новый Узбекистан – просвещенное общество» отражает стремление страны к гармоничному сочетанию духовных ценностей и современного развития. Это путь, на котором важны и государственные инициативы, и личная ответственность каждого гражданина. Просвещение становится тем фундаментом, который укрепляет единство общества, повышает его культурный уровень и создает условия для устойчивого будущего.

Именно через духовное обогащение, образование и уважение к наследию формируется то общество, которое способно уверенно смотреть в завтрашний день.

**Хожиакбар НОРБУТАЕВ,**  
старший лейтенант.



## SOHA FIDOYILARI

## JONKUYAR VA MAS'ULIYATLI

**Toshkent shahri Uchtepa tumani IIOFMB Migratsiya va fuqarolikni rasmiylashtirish bo'limida asosan fuqarolarga O'zbekiston Respublikasi shaxs guvohnomasi, ya'ni ID-karta berish, eski namunadagi pasportlarni yangisiga almashtirish, fuqarolarni doimiy va vaqtincha ro'yxatga qo'yish, xorijga chiqish biometrik pasportini rasmiylashtirish va chet el fuqarolarini vaqtincha ro'yxatga olish kabi xizmatlar ko'rsatib kelinmoqda. Shuningdek, hududda ijtimoiy himoyaga muhtoj, kekxa hamda imkoniyati cheklangan fuqarolarga hech qanday ovoragarchiliklarsiz xonadonining o'zida ularning shaxsini tasdiqlovchi hujjatlar rasmiylashtirib berilmoqda.**

Leytenant Soibjon Asqarov bo'limning jonkuyar va mas'uliyatli xodimlaridan hisoblanadi. U biz bilan suhbatda o'z uylarida xorijiy fuqarolarga noqonuniy ravishda yashash sharoiti yaratib bergan fuqarolar ham

uchrab turayotgani haqida to'xtadi. Bunga ayrim misollar keltirar ekan, bunday holat uy egalari javobgarlikka olib kelishi, ularga nisbatan belgilangan tartibda ma'muriy choralar qo'llanishiga sabab bo'lishini ta'kidladi.

– Shu o'rinda ularga aytadigan so'zim: mo'may daromad ilinjida yashirin ravishda amalga oshirayotgan noqonuniy ishingiz ertaga o'zingiz yoki jamiyatimiz uchun nima keltirishini bilmaysiz-ku. Nahotki, qing'ir yo'l bilan topgan foydangiz sizga huzur bersa?! – deydi u.

Lavhamiz qahramoni nafaqat fidoi xodim, balki namunali oila boshlig'i ham. U shirindan shakar uch nafar farzandning mehribon otasi, turmush o'rtog'i uchun suyanch va qo'llab-quvvatlovchi hamrohdur.

**Adolat FAYZIYEVA,**  
o'z muxbirimiz.

Toshkent shahri.



## TERGOVCHI KUNDALIGIDAN

## HIS-TUYG'ULAR SIRNI OCHADI

Tergovchilar kundaligi detektiv romanga o'xshab ketadi. Jinoyatni fosh etish yo'lidagi ichki savol-javoblar, shubha va gumonlar qayd etilgan jumlar, sirni ochish uchun yuritilgan mulohaza va mushohadalar va hokozolar. Samarqand tumani IIB huzuridagi Tergov bo'linmasi tergovchisi, kapitan Dostonbek Abdullayevning kundaligini varaqlagan kishi ham shunday manzaraga duch kelishi tabiiy.

Lavhamiz qahramoni xizmat faoliyatida ayrim jinoiy ishlar muddati cho'zilsa-da, asl holatni aniqlab, aybdorlar qilmishini fosh etib, adolat qaror topishini ta'minlaydi.

Yaqinda tumanning «Koningil» turizm qishlog'ida qalbaki pul muomalaga chiqarilgani haqida xabar keldi. Kapitan D.Abdullayev tezkor tergov guruhi bilan voqea joyiga bordi. Guvohlar so'raldi. Gumondorlar xatti-harakati kuzatuv kameralari tasvirlari orqali o'rganildi. So'ralganlarning yuziga, qo'l harakatlari va tovush ohangiga e'tibor berdi. Qo'lga tushgan soxta pulni qayerdan, kimdan olgani-yu, qayerga borib ishlatganigacha so'roqqa tutdi. Har bir detal sinchiklab o'rganilgach, nihoyat 100 ming so'mlik soxta kupyurani kimlar tayyorlab, muomalaga kiritishga uringani aniqlandi. Kalavaning uchi qo'shni viloyat tomonga ketdi va bu soxta pul tayyorlovchi qashqadaryolik Sh.A. bo'lib chiqdi. Tergovda u sherigi J.S. bilan jinoiy til birlashtirib bu ishni amalga oshirganligini tan oldi.

– Tergov ishida ba'zan hujjatlar, raqamlar va dalillardan ko'ra har bir guvoh



va gumonlanuvchilarning suhbat jarayonidagi o'zini tutishi, xatti-harakatlari muhim rol o'ynaydi. Men buni yillar davomida tajribamda kuzatdim va amin bo'ldim. Agar inson yuzidan nimanidir uqmasangiz, tergov ishi samarasiz bo'ladi. To'g'ri, dalillar gapiradi, ammo his-tuyg'ular sir ochilishiga kalit bo'ladi, – deydi kapitan D.Abdullayev.

Tergov sohasining muhim jihati shundaki, u faqat

qonunga va dalilga tayanadi. Ammo uning ko'zi odamlarni emas, taqdirlarni ko'rsagina adolat qaror topadi. Kapitan D. Abdullayev tomonidan fosh etilgan har bir ishda uning faqat adolatni ta'minlovchi emas, balki inson haq-huquqlarining himoyachisi ekanligi ham namoyon bo'ladi.

**Umida MAMADALIYEVA,**  
o'z muxbirimiz.

Samarqand viloyati.

## YONG'IN XAVFSIZLIGI OYLIGI

Har yili Yangi yil bayrami arafasida pirotexnika vositalarini mamlakatimiz hududiga olib kirishga urinishlar ko'payadi. Oson pul topish ilinjida yurgan ba'zi nopok kimsalar hayot uchun xavfli bo'lgan pirotexnika vositalarini yoshlar, asosan, maktab o'quvchilariga pullamoqchi bo'lishadi.

TASHVISH  
KELTIRADIGAN  
QUVONCH

Shu sababli osoyishtalik, yong'in xavfsizligi, eng avvalo, salomatlikka jiddiy xavf tug'diradigan bu turdagi vositalarning zarari va oqibatlari haqida barcha mutasaddi davlat organlari tomonidan keng miqyosdagi tushuntirish-targ'ibot ishlari amalga oshirilib, ichki ishlar organlari xodimlari esa keskin choralarini ko'rmoqda.

Viloyat IIB Axborot xizmati bergan ma'lumotlarga ko'ra, «Xavfsiz va sog'lom yurt» keng qamrovli tezkor-profilaktik tadbiri davomida Farg'ona tumani IIB xodimlari «Yordon» mahallasida yashovchi A.E. boshqaruvidagi avtomashinani to'xtatib, xolislar ishtirokida ko'zdan kechirishganida, 200 donaga yaqin turli nomdagi, narxi 25000000 so'mlik pirotexnika vositalari borligi ma'lum bo'ldi. «Bo'ston» mahallasida yashovchi S.I. ham 36 dona, narxi 18000000 so'mlik pirotexnika vositalarini saqlab kelayotganligi aniqlanib, ashyoviy dalil

tariqasida olindi. Yana bir fuqaroning xonadoni xolislar ishtirokida ko'zdan kechirilganida 220 ta qutida 13200 dona, narxi 10000000 so'mlik pirotexnika vositalari borligi fosh etildi.

Hozirda mazkur holatlar yuzasidan tergovga qadar tekshiruv harakatlari olib borilmoqda.

Eslatib o'tamiz, O'zbekiston Respublikasi qonunchiligiga asosan, pirotexnika vositalarini mamlakatimiz hududiga olib kirish, ushbu turdagi mahsulotni ishlab chiqarish, savdosi bilan shug'ullanish, u bilan bog'liq boshqa salbiy holatlarga tegishli tartibda javobgarlik belgilangan.

Zero, gap osoyishtaligimiz, xavfsizligimiz va eng avvalo, farzandlarimiz salomatligi haqida ketarkan, loqayd bo'lishga hech birimizning haqqimiz yo'q.

**Abduvosit SIDIQOV,**  
o'z muxbirimiz.

Farg'ona viloyati.



## XOTIRA UYG'ONSA GO'ZALDIR

## YODI HAMISHA YODDA

**Mash'um Ikkinchi jahon urushi boshlangan yili G'uzor tumanida, Jalil ota va Ma'mura aya xonadonida dunyoga kelgan Meylining bolaligi oson kechmadi. Esini tanishi bilanoq ota-onasiga qo'shilib, dalada mehnat qildi. Maktabni tamomlagach, bir muddat shu yerda kutubxonachi bo'lib ishladi.**

Meyli Jalilov 1960-yili Samarqand davlat tibbiyot institutida o'qish davrida ustozlaridan tibb ilmining sir-asrorlarini o'rganish davomida tirishqoqligi, dars va amaliy mashg'ulotlarni bekamko'st o'zlashtirishi bilan e'tiborga tushdi.

Oliygo'hnini tamomlagan M.Jalilov Qarshi shahar poliklinikasida elektrokardiolog vazifasida ish boshladi. 1970-yilda uni viloyat IIB Tibbiyot xizmatiga ishga taklif etishdi. Tizimdagi faoliyatini ambulatoriya mudiri lavozimida boshlagan maqolamiz qahramoni xodimlarda uchraydigan kasbiy va mavsumiy kasalliklarni davolash, oldini olishda bor bilim va malakasini ishga soldi.

Keyingi yillarda viloyat IIB Tibbiyot xizmati poliklinikasida shoxobcha terapevt shifokori sifatida samarali xizmat qilgan Meyli Jalilov 1975-yili shahodatlangan tarkibga o'tib, Tibbiyot xizmati boshlig'i lavozimiga tayinlandi. Ham shifokor, ham



osoyishtalik posboni sifatida zimmasidagi majburiyatlarni benuqson bajarib, birlashtirilgan kontingent salomatligini mustahkamlash, kasalliklarni erta aniqlash va davolashda jonbozlik ko'rsatdi.

Bilim va tajribasi, mehnatsevarligi, tashkilotchilik qobiliyatini namoyish etib, rahbariyat hurmatini qozondi. Qolaversa, viloyat IIB Tibbiyot xizmati bo'limga aylantirilib, malakali shifokorlar bilan jamlanishida uning hissasi katta bo'ldi.

U ko'plab shogirdlar yetishtirdi. Iste'fodagi mayor, shifokor Ro'zi Ibragimov, boshqarma Tibbiyot bo'limi poliklinikasi boshlig'i, mayor Nilufar Abrayeva ana shular jumlasidan.

– Meyli Jalilov mening birinchi ustozim. Ustozning tavsiyasi bilan 2012-yilda ichki ishlar organlarining xodimi bo'lib, xizmatga kirganman, – deydi Nilufar opa. – O'g'itlari, o'rganganlarim bugun xizmat faoliyatimda qo'l kelmoqda.

Qariyb 32 yillik xizmat faoliyatidan so'ng polkovnik unvonida pensiyaga kuzatilgan faxriy uyda o'tirib qolmay, viloyat Reabilitatsiya markazida bemorlarga shifo ulashdi.

Oilada mehribon ota, sadoqatli umr yo'ldosh, nabiralarning sevimli bobosi iste'fodagi polkovnik Meyli Jalilov hozir oramizda bo'lmasada, uning yorqin xotirasi farzandlari, shogirdlari qalbida mangu yashaydi.

**Sodiq RAHIMOV,**  
o'z muxbirimiz.

*Qashqadaryo viloyati.*

## SPORTIMIZ YULDUZLARI

## POLVONLIK QONIDA BOR



**Dunyo miqyosida tobora rivojlanib, ommalashib borayotgan bahodirlar o'yinlari musobaqalarida polvonlar o'z vaznidan bir necha barobar og'ir buyumlarni ko'tarish, o'rnidan siljitish, belgilangan masofagacha olib borish kabi jismoniy quvvat, kuchli iroda va sabr-toqat talab qiladigan murakkab mashqlarni bajaradi. Tosh ko'tarishda turli vazndagi toshlarni belgilangan vaqtda ko'proq ko'targan sportchi g'olib chiqadi.**

Xizmat vazifalarini sidqidildan bajarish bilan bir qatorda o'zining mahoratini nufuzli sport musobaqalarida namoyish etib kelayotgan IIV Malaka oshirish instituti Kasbiy tayyorgarlik fakulteti o'quv-saf qismi otryadi komandirining tarbiyaviy ishlar bo'yicha o'rinbosari, leytenant Islombek

Hakimjonov bahodirlar o'yinlari va tosh ko'tarish bo'yicha o'ta og'ir vazn toifasida to'qqiz karra Jahon, uch karra Osiyo chempioni, qator xalqaro turnirlar g'olibi, xalqaro toifadagi sport ustasidir.

– Sportga ishtiyoq ota-bobolarimdan o'tgan, – deydi lavhamiz qahramoni. – Otam Jahongir

Ha, lavhamiz qahramonining so'zlarida jon bor. Aynan sport musobaqalarida faxrli g'alaba iroda va tinimsiz mashg'ulotlar mevasidir. Eng muhimi, Islombek buni qalban anglagani holda, faqat olg'a intilish, o'z ustida ishlashdan to'xtamaydi. Xizmat vazifalarini to'kis ado etishda ustozlari podpolkovnik Jalolidin Jumaboyev, mayor Davron Boirovdan sohaning o'ziga xos jihatlarini so'rashdan tortinmaydi. Oila oshyonida pedagog ayoli Ismigul bilan

hamjihatlikda qizaloqlari Oyishabonu, Xadichabonularning yetuk insonlar bo'lib ulg'ayishi uchun jon koyitishadi.

– Kasbimni juda yaxshi ko'raman, – deydi lavhamiz qahramoni. – Ayniqsa, o'ziga xos tartib-intizom, jismoniy mashg'ulotlar sportdagi natijalarimda muhim omildir. Shu bois hayotimda kasbim va sport bir-birini to'ldiradi, deya hisoblayman. Ayni paytda 2026-yilda Yevropada o'tkazilishi ko'zda tutilgan sport musobaqalariga qizg'in tayyorgarlik ko'ryapman. Qolaversa, xizmat va sport bilan kifoyalanmay, kelgusida ilmiy izlanishlar bilan shug'ullanish niyatim bor.

Sharaflil xizmatga doim shaylik, katta sport maydonlarida shijoat va halollik namunasini ko'rsatayotgan Islombek Hakimjonov singari yoshlar qiyofasida ota-bobolardan meros mardlik va pahlavonlik namoyon bo'lyapti, desak, aslo mubolag'a emas.

**Gulnoza TURG'UNBOYEVA,**  
o'z muxbirimiz.



## BIZNING SUHBAT

# «UCHQUR TULPOR»NI BOSHQARAYOTGAN NOZIK XILQAT

Bugungi kunda temiryo'l sohasida yuksak mas'uliyatni o'zida mujassam etgan, yurt taraqqiyotiga hissa qo'shayotgan bilimli va tashabbuskor xotin-qizlarning borligi yaratilayotgan imkoniyatlar samarasidir. Sahifamiz qahramoni – «O'zbekiston temiryo'llari» AJ tarkibidagi «Temir yo'linfratuzilma» MCHJ «O'zbekiston» lokomotiv deposi «Afrosiyob» elektropoyezdi mashinistining ilk ayol yordamchisi Feruza Boqiyeva. U bilan bolalikdagi orzusi, kasbining past-u balandi, oila va kelajak rejalari haqida suhbatlashdik.

– **Avvalo, shu sohani tanlashingiz qanday boshlangani haqida gapirsangiz.**

– Uyimiz temiryo'l yoqasida bo'lgan. Ko'pchilikka yoqmasa-da, men uchun poyezdlarning ovozi musiqa ohangidek xush yoqardi. Sohaga qiziqishimda ota-onamning duosi va ishonchi alohida o'rin tutgan. Onam – Munira Boqiyeva «O'zbekiston temiryo'llari» AJ Toshkent mintavaqiy temiryo'l uzeli Xovos bekati operatori bo'lib ishlaydi. Uning egniga formani kiyib, ishga ketishini ko'rib, «Men ham ana shunday bo'la-man», deya orzu qilganman. Shuning uchun maktabni tugatib, hech ikkilanmasdan, Toshkent temiryo'l transporti kasb-hunar kollejiga o'qishga kirdim. Ta'lim muassasasini tamomlab, «O'zbekiston temiryo'llari» AJ Ishlarni boshqarish direksiyasi Markaziy temiryo'llar madaniyat saroyida hisobchi bo'lib ishlay boshladim. Bir kuni xotin-qizlarni mashinistlikka o'qitish haqida e'lon chiqdi. Bu xabarni eshitgach, orzularim ushaladigan paytlar kelganidan ich-ichimdan suyunib ketganman. «Feruza, bu seni orzuving-ku, nega urinib ko'rmaysan?» dedim o'zimga o'zim. Hujjatlarimni topshirdim, bir nechta jiddiy sinovlardan o'tdim va 2020-yildan buyon «Afrosiyob» elektropoyezdidagi mashinist yordamchisi sifatida ishlab kelmoqdaman.

– **Ish kuni qanday boshlanadi? Bu ko'pchilik uchun qiziq.**

– Tonggi soat 04:00 da ish kunimiz boshlanadi. Avvalo, depo navbatchisidan

yo'riqnoma olamiz, so'ng tibbiy ko'rikdan o'tamiz. Keyin poyezdni qabul qilib, texnik holatini tekshiramiz. Vokzalga keltirgach, yo'lovchilar joylashadi, shundan keyin safar boshlanadi. Manzilga yetganimizdan keyin dam olish xonalari bor – u yerda biroz dam olamiz va yana qaytish tadorigini ko'ramiz. Qisqa qilib aytganda, faoliyatimiz diqqat-e'tiborni va aniqlikni talab qiladi, javobgarligi katta. Bir zum bo'lsa-da, hushyorlikni unutishga haqqimiz yo'q. Chunki bu – yuzlab yo'lovchilar hayotiga javob berish, katta mas'uliyat demak.

– **Ham ishni, ham oilani birdek olib borish qiyin emasmi?**

– To'g'ri, bizning ishimiz asosan yo'llarda o'tadi. Uzoq

## Ma'lumot o'rnida

Feruza Boqiyeva 2000-yilda Sirdaryo viloyati Yangiyer shahrida tavallud topgan. 2018-yilda Toshkent temiryo'l transporti kasb-hunar kollejini tamomlagan. Ish faoliyatini shu yili «O'zbekiston temiryo'llari» aksiyadorlik jamiyatining Ishlarni boshqarish direksiyasi Markaziy temiryo'llar madaniyat saroyi hisobchisi lavozimidan boshlagan. 2020-yildan «Afrosiyob» yuqori tezyurar elektropoyezdi mashinisti yordamchisi. 2023-yilda «Yoshlar kuni» munosabati bilan Prezidentimizning farmoniga asosan, «Kelajak bunyodkori» medali bilan mukofotlangan.

Ayol kishi o'zi harakat qilsa, ham oilasini ham ishini birdek olib bora oladi. Faqat bunga intilish kerak. Ishdan bo'sh paytlarimda uyimizdagi barcha mas'uliyatni o'z zimmamga olaman – shirin taomlar tayyorlayman, oilam bilan vaqtni xush o'tkazishga harakat qilaman.

– **Maqsadga qat'iyat bilan intilishingiz natijasini ko'rib turibmiz. Sizga**

**havas qilgan yoshlarga maslahatingiz...**

– Albatta, o'qib-o'rganish, o'z ustida ishlash lozim. Bizning ishimizda doimiy o'qib-o'rganish talab etiladi. Har dushanba nazariy va amaliy dasturlarimiz bo'ladi, bo'sh vaqtlarimda esa so-

haga oid adabiyotlar o'qib, internet orqali yangi ma'lumotlar o'rganib boraman. Inson o'z ustida tinimsiz ishlasa, to'siq qolmaydi, barcha eshiklar ochiladi. Shu sabab, tengqurlarim va yoshlarga maslahatim – o'qing, o'rganing, harakatdan to'xtamang. Yurtimizda imkoniyatlar katta, ulardan foydalanish esa o'zingizning qo'lingizda. Qolaversa, ota-onaga duosi hamda ustozlar o'giti va maslahatlari muhim ahamiyat kasb etadi.

– **Ustozlaringiz sizning kasbiy rivojlanishingizda qanday o'rin tutgan va ulardan olgan saboqlaringiz?**

– Hayotdagi ustozlarim, avvalambor, ota-onam. O'qishda va ishda ustozlarim – Ulug'bek Kurakov, Rustam Turakulov, Rustam Qayumov, Sergey Davidov va Akmal Yuldoshevlardan ko'p narsalarni o'rgandim.

nafaqat bilim, balki mas'uliyat, qat'iyat va intizomni o'rgatdi. Ulardan olgan eng katta sabog'im – bilim olishdan to'xtamaslik, bugunning kechagidan yaxshiroq bo'lishiga intilish. Hayotda yana bir muhim ustoz bor, bu – kitob. Hozirgi kunda ham bir nechta kitoblarni mutolaa qilsam-da, lekin yoshligimdan sevib o'qiydigan Pirimqul Qodirovning «Avlodlar dovoni» va «Yulduzli tunlar» asarlari hayotimda alohida ahamiyat kasb etgan.

– **Har bir inson oldiga maqsad qo'yib yashaydi. Sizning kelajakdagi rejalaringiz qanday?**

– Hayotda qadam-baqadam o'z maqsadlarim sari intilib yashayapman. Eng asosiy maqsadim – birinchi toifali mashinist bo'lish. Bu mavqega yetishish yuqori malaka, mas'uliyat va doimiy o'z ustida ishlashni talab qiladi. Shu bois har kuni sohaga oid kitoblar mutolaa qilaman, internet manbalari orqali yangi texnologiyalar, zamonaviy poyezdlar va temiryo'l sohasidagi tendensiyalarni o'rganib boraman. Eng katta orzularimdan yana biri – Ispaniya davlatiga borib, yuqori tezlikda harakatlanuvchi poyezdlar bo'yicha malaka oshirish. Ispaniya bu sohada jahonning yetakchi mamlakatlaridan biri hisoblanadi. U yerdagi tezyurar poyezdlar, zamonaviy mashinistlar tayyorlash tizimi va xavfsizlik standartlari xalqaro miqyosda e'tirof etilgan. Shu bois mazkur davlatda malaka oshirish nafaqat tajriba orttirish, balki professional faoliyatimda yuqori bosqichga ko'tarilish imkonini ham beradi.

**O'z muxbirimiz  
Sarvar SOBIROV  
suhbatlashdi.**



## ★ На перекрестках судеб

В 2013 году Фарангиз окончила факультет экономики Самаркандского государственного университета и устроилась бухгалтером в областное управление транспорта. В свободное время она посещала занятия по швейному ремеслу.

– В подвале нашего дома была небольшая мастерская, куда приходили девочки учиться шитью. Мама настояла, чтобы и я пошла, а я жутко не хотела, – вспоминает она. – Чуть ли не со слезами спускалась на занятия и целый год обучалась кройке и шитью.

После замужества Фарангиз несколько лет посвятила семье и воспитанию ребенка, пока не осознала, что женщина тоже должна вносить вклад в доход семьи.

Ища возможности для заработка, Фарангиз однажды отправилась в махаллю Аль-Бухари города Самарканда, надеясь найти работу или небольшое помещение для своего дела. Ей предложили заброшенную комнатку, которую она постепенно превратила в цех. Первые шаги были самыми тяжелыми: нехватка финансирования, отсутствие

**История Фарангиз Туксановой, успешной предпринимательницы и владелицы собственного цеха по пошиву спецодежды, началась в маленькой комнатке, где едва помещались машинка и скромный стол для раскроя. Путь к сегодняшнему успеху был непростым – трудности, сомнения и испытания сопровождали каждое ее решение, однако девушка уверенно шла к мечте.**



бизнес-опыта, высокая конкуренция.

Тем не менее «сарфанное радио» быстро разнесло в округе новость о трудолюбивой и аккуратной мастерице. Заказы начали поступать один за другим. Фарангиз бралась

за любую работу, стремясь сделать ее безукоризненно, понимая, что довольный клиент – лучший рекламный агент.

Так прошло несколько лет. К этому времени ей удалось накопить денег и в 2018 году она приобрела

еще три швейные машинки и наняла помощниц. Помещение стало тесным, и предпринимательница арендовала более просторный цех.

В 2022 году она приобрела собственное помещение, закупила обо-

рудование и расширила штат. Так появилось ООО «Giza tekstil», где сегодня трудятся около 30 девушек. То, что начиналось в комнатке, превратилось в полноценное производство.

– В планах расширить цех и выкупить еще одно помещение, – рассказывает предпринимательница. – Мы хотим выходить на новые рынки и расширять ассортимент спецодежды.

Она не забывает пройденный путь и всегда готова поддержать начинающих ремесленников и поделиться своим опытом. Ее история – убедительный пример того, как настойчивость, вера в собственные силы и трудолюбие способны превратить маленькое начало в большое дело.

**Замира БАЛТАЕВА,**  
соб. корр.

Самаркандская область.  
**На снимке:** Фарангиз Туксанова (слева) с ученицей.

## ★ Спорт

### БОИ НА ОКТАГОНЕ

С целью стимулирования интереса к спорту, совершенствования физической подготовки молодежи в городе Нурафшоне были проведены соревнования по смешанным боевым искусствам (ММА) на Кубок начальника ГУВД Ташкентской области. Состязания проходили под девизом «Мы против наркомании!»

На октагоне спортсмены, среди которых было немало сотрудников ОВД, демонстрировали мастерство, выносливость и решительность. Они состязались в 12 весовых категориях.

Поединки проходили весьма напряженно. Так, динамичный бой между Азизом Кодировым и Абдуллой Умировым (54 кг) завершился победой Кодирова. В зрелищном поединке Мухам-



мада Комилжонов и Одилбека Киёмова (61,2 кг) взял верх Комилжонов. В поединке между Хожаакбаром Пулатовым и Мирсобитом Муродовым (65,8 кг) превосходство было на стороне Муродова. А в бое Азима Нишонова и Тимура Абдуллаева (70 кг) победителем был признан Нишонов. Бескомпромиссный бой между Хаётом Журабоевым и Синдором Бахриддиновым (93 кг) завершился успехом Журабоева.

Победителям и призерам соревнований вручены дипломы, кубки и памятные подарки.

Как сообщили в Ассоциации смешанных боевых искусств, популярность данного вида спорта в Узбекистане неуклонно растет. В связи с этим, организация такого рода состязаний будет продолжена.

**Радик ТУМΠΑРОВ,**  
соб. корр.

Ташкентская область.



## SALOMATLIK SABOQLARI

## SHIFOGA BOY SABZAVOT

Brokkoli karami sog'liq uchun eng foydali sabzavotlardan biri hisoblanadi. Bu turdagi karam C vitaminiga boy bo'lgani sababli immunitetni, yurak-qon tomir tizimini mustahkamlaydi, shamollashning oldini oladi, teri va soch holatini yaxshilaydi. Shuningdek, tarkibida suyaklar uchun muhim K vitamini, tanani kuch-quvvat bilan ta'minlovchi hamda markaziy asab tizimi va bosh miya faoliyatida ishtirok etuvchi B guruhi vitaminlari mavjud.



Ushbu mahsulotda qarish jarayonlarini sekinlashtirib, onkologik kasalliklar rivojlaniishi xavfini kamaytiradigan moddalar – antioksidantlar bor. Bundan tashqari, brokkoli karami past kaloriyalik bo'lgani bois uni har qanday parhez taomnomasiga kiritish mumkin. Shu bilan

birga, bu sabzavot A, D va E vitaminlari, foliy kislota-sini o'z ichiga oladi. Ushbu moddalar organizmda oqsil, yog'lar va uglevodlar almashinuvida faol ishtirok etadi.

Brokkoli karami tarkibidagi kalsiy, fosfor, magniy kabi mikroelementlar suyak

to'qimasi shakllanishida ishtirok etib, bolalarda suyaklar to'g'ri o'sishiga, kattalarda esa osteoporozning oldini olishga xizmat qiladi. Undagi natriy va kaliy esa tanada suv-tuz muvozanatini saqlab turishga yordam beradi. Mazkur bir yillik sabzavot kletchatka

manbasi hisoblanadi. Shuning uchun uning muntazam iste'moli aterosklerozning oldini oladi, moddalar almashinuvini yaxshilab, ovqat hazm qilish jarayoniga ijobiy ta'sir ko'rsatadi.

Undan salat va sho'rvalar, turli quyuq taomlar, hatto shirinliklar tayyorlanadi. Buning uchun yam-yashil sara sabzavotni tanlash tavsiya qilinadi. Rangi o'zgargan mahsulotning salomatlik uchun to'liq foydasi bo'lmaydi. Eng asosiysi, u muzlatilgandan keyin ham o'z xususiyatlarini yo'qotmaydi.

Biroq oshqozonosti bezi kasalliklari, qalqonsimon bez bilan bog'liq muammolar kuzatilgan, oshqozonida kislotalilik darajasi yuqori bo'lgan, buyragida tosh aniqlangan bemorlar brokkoli karamini iste'mol qilishdan oldin mutaxassis bilan maslahatlashgani ma'qul.

## MING DARDGA DAVO ANOR

Anor tarkibidagi ko'pgina foydali moddalar immunitetni oshiradi, infeksiy va virusli kasalliklar davrida organizmga profilaktik va davolovchi ta'sir ko'rsatadi. Xalq tabobatida uning nafaqat donalari, balki po'sti va gullari ham shifobaxsh deyilgan. Tarkibidagi katexin va fitonsidlar kuchli antioksidant xususiyatga ega. Meva donalari tanaga ijobiy ta'sir ko'rsatadi, jumladan:

\* qonda qand miqdorini kamaytiradi, shu bois shirinliklar va ba'zi mevalar man etilgan diabet bilan og'riqan bemorlar uchun bu ne'mat foydali bo'lib, insulinning o'rnini bosuvchi rolda xizmat qilishi mumkin;

\* qon aylanishini yaxshilaydi, xolesterin miqdorini hamda yurak xastaligi xavfini kamaytiradi.

\* undagi antibakterial moddalar milklarni mustahkamlaydi, og'izdagi zararli bakteriyalarni kamaytiradi.



\* quvvatni tiklaydi va og'ir xastaliklardan so'ng organizmning umumiy holatini yaxshilaydi;

\* bakteriyalarga qarshi ta'sir ko'rsatadi, shu sababdan tomoq va og'iz sohasidagi yallig'lanishlarni bartaraf etishga yordam beradi;

\* qarish jarayonini sekinlashtiradi va hujayralarni zararlanishdan asraydi;

\* gormonal bezlar ishini rag'batlantiradi;

\* ishtahani yaxshilaydi va hazmni yengillashtiradi;

\* C vitaminiga boy;

\* pigment dog'lar hamda husnbuzarga qarshi samarali vosita hisoblanadi.

Anor sharbati qon bosimini tushirishga yordam beradi, tanani kaliy bilan ta'minlaydi, yurak faoliyatini yaxshilaydi. Anor donalarini bir-biridan chegaralab turadigan yupqa pardani qaynatib ichish bezovtalik, uyqusizlikdan xalos bo'lishga yordam berib, asabni tinchlantiradi. Tomoq yallig'langanda ushbu meva sharbati yoki po'stining

qaynatmasi bilan tomoq chayiladi, bu stomatitda ham yordam beradi. Mahsulot tarkibidagi oshlovchi moddalar va kislotalar infeksiyalarni o'ldiradi, og'riqni qoldiradi.

Kamqonlikda esa 100 ml anor sharbatiga 1/3 nisbatda suv qo'shib, har kuni tushlikdan 30 daqiqa oldin ichish gemoglobin miqdorini me'yorlashtirib, anemiyani bartaraf etishga yordam beradi.

Noyob antioksidantlarni (polifenollar) o'z ichiga olgan anor sharbati radiatsiya muhiti bilan to'qnash keladiganlarni erkin radikalardan himoya qiladi. Ushbu shifobaxsh ichimlikni me'yorida va muntazam iste'mol qilish natijasida saraton hujayralari rivojlaniishi sekinlashadi.

Anor va uning sharbati kislota miqdori ko'p bo'lgani bois tishlar salomatligiga salbiy ta'sir qilib, tishlar emalini zararlaydi va kariyes rivojlanishiga olib keladi, tishlarda dog' qoldiradi. Zararni kamaytirish uchun sharbatni naycha orqali ichish, shundan so'ng og'izni yaxshilab chayib tashlash tavsiya etiladi.



Anorni har kuni iste'mol qilish kerak emas. Mevadan foyda olish va uning yordamida salomatlikni mustahkamlash uchun 3-4 kunda bir marta 1 ta anorni danaklari bilan iste'mol qilish yetarli. Turli ko'rinishdagi gepatit, oshqozon va ichak yarasi kasalliklari, oshqozonda kislotalilik darajasi yuqori bo'lganda, anor tarkibidagi moddalarga ta'sirchanlik va allergiya kuzatilganda, qabziyatda hamda bir yoshgacha bo'lgan bolalarga bu meva tavsiya etilmaydi.

## Qish tabibi

Mandarin — qish faslining eng sevimli mevalaridan biri bo'lib, inson salomatligi uchun qimmatli moddalarga boylik bilan boshqa mevalardan ajralib turadi. Quyida uning shifobaxsh xususiyatlari haqida sanab o'tamiz:



\* Mandarin tarkibining 85 foizi suvdan iborat bo'lib, C vitamini, B guruhi vitaminlari, kaliy, kalsiy, magniy va organik kislotalarga boy.

\* 100 grammi atigi 53 kilokaloriya bo'lgani uchun parhez bop mahsulot sifatida ham tavsiya etiladi.

\* Mazkur mevaning nafis va muattar hidi ishtahani ochadi, tarkibidagi kislotalar esa ovqat hazmini yaxshilaydi.

\* Tarkibidagi fitonsidlar mikroblarga qarshi kurashib, shamollashning oldini olishga yordam beradi. Po'stlog'idan tayyorlangan damlama bronxit va quruq yo'talda foydali bo'lib, balg'amning yengil ajralishini ta'minlaydi.

\* Ikki dona mandarin kunlik C vitamini ehtiyojini qondiradi. Bu vitamin immunitetni ko'tarish bilan birga qon tomirlari devorlarini mustahkamlaydi. Tarkibidagi beta-karotin esa A vitaminiga aylanib, teri elastikligini saqlashga hissa qo'shadi.

\* Iste'mol qilishdan oldin mandarinni iliq suvda yuvish zarur. Chunki ularni uzoq vaqt saqlash uchun organizmga zararli bo'lgan moddalar bilan ishlov berilgan bo'lishi mumkin.

\* Mandarin miqdoridan ko'p iste'mol qilish allergik reaksiyalarga olib kelishi, oshqozon-ichak trakti surunkali kasalliklarining kuchayishiga olib kelishi mumkin, chunki mevada ko'p miqdorda klechatka mavjud.

\* Dietolog shifokorlar mandarinni ertalab va kunduzi soat 5 gacha iste'mol qilishni tavsiya qilishadi. Asosiysi – ularni och qoringa iste'mol qilish kerak emas.

\* Oddiy tavsiyalarga amal qilinsa, mandarin inson salomatligiga ijobiy ta'sir qiladi: toksinlarni chiqaradi, immunitetni mustahkamlaydi va kayfiyatni yaxshilaydi.

\* Mandarinni muzlatkichda bir hafta, xona haroratida esa 2–3 kun saqlash mumkin. Uni olmalar yonida qo'ymaslik kerak, chunki olma chiqaradigan etilen gazi mevalarning tez chirishiga sabab bo'ladi.

Sahifa materiallari Toshkent shahar IIBB poliklinikasi  
profilaktika bo'linmasi boshlig'i, kapitan Nilufar INOYATOVA tavsiyalari asosida tayyorlandi.



## MUQADDAS QADAMJOLAR

# ABDULBOQIY XOJAGI EMKANAGIY ZIYORATGOHI

Kitob tumanining Xoja Ilmkon qishlog'ida Mavlono Abdulboqiy Xojagi Emkanagiy ziyoratgohi bor. Kitob shahridan 12 kilometr uzoqlikda joylashgan bu qishloq XIX asrga qadar Imkana deb atalgan.

Xojagon Naqshbandiya yo'nalishi bo'yicha tasavvufning yetuk targ'ibotchisi, fiqh, hadis ilmlari bo'yicha alloma Mavlono Abdulboqiy Xojagi Emkanagiy shu qishloqda 1512-yilda tug'ilib, 1600-yilda vafot etgan. Bu yerda farzandi Mavlono Xoja Abdul Qosim ibn Mavlono Xojagi ham dafn qilingan.

Dastlabki bilimni otasi Darvesh Muhammaddan olgan Mavlono Emkanagiy Buxoro va Samarqand madrasalarida usul (furu), kalom, tafsir, hadis ilmlarini o'rgan-

gan. O'z davrining buyuk donishmandlaridan tariqat sirlarini o'rganib, Naqshbandiya tariqatining targ'ibotchisi, buyuk donishmand sifatida shuhrat qozongan.

«Naqshbandiya tariqatiga oid qo'lyozmalar fihristi» kitobida Hazrati Xojagi Emkanagiyning «Intixob as kitobin Nasama» («Shabbodalar kitobidan saylanma») nomli asari bo'lgani haqida ma'lumot berilgan. Bu asarning kichik bir qismi bizgacha yetib kelgan va O'zbekiston Respublikasi Fanlar akademiyasi



Sharqshunoslik instituti-ning qo'lyozmalar fondida saqlanmoqda.

Xojagi Emkanagiyning farzandi Abdul Qosim Xo'ja Ilmkon qishlog'ida XVI asrda xonaqoh va uning oldida otasiga dahma qurdiradi. 1600-yillardan boshlab Emkanagiy xonaqosi va mozori atrofida ziyoratgoh bilan bir qatorda, so'fiylik

tariqati ham shakllanadi.

Xonaqohga yaqin joydagi masjid hovlisida ko'hna chinor bo'lib, tana aylana-si 18 kishi qulochiga teng, ya'ni 27 metrni tashkil etadi. Chinorning ichki qismi uzunasiga 5,8 metr va eniga 4,2 metr bo'lib, bu yerda 25 bola bema-lol davra qurib o'tirishi mumkin bo'lgan. O'tgan asr boshlarigacha chinor

kovagidan maktab sifatida foydalanilgan. Azim chinor hozir ham bor.

Ziyoratgohga hozir-da Turkiya, Germaniya, Amerika va boshqa davlatlardan ziyoratchilar tashrif buyurishmoqda.

**Javlonbek ALLAYEV,**  
mayor.

*Qashqadaryo viloyati.*

## QILMISH-QIDIRMISH

# YUZLARI QORALAR

Soat taxminan 0:30 lar atrofida «Tinchlik» va «Do'stlik» mahallalarini ajratib turuvchi yo'lda mashinasida ketayotgan Arnasoy tumani IIB JXX HPB profilaktika inspektori, mayor O'rol Qodirovning e'tibori-ni dala chetida harakatga tushgan ikkita avtoullov chiroqlari tortdi. Mayor sezdi, mashinasidagi o'chib-yonuvchi chiroqlar haydovchilarni cho'chitib yuborgan.



U transport vositasini o'sha to-monga yo'naltirdi. Bu orada mashinalardan biri yuqori tezlikda ko'zdan g'oyib bo'ldi. Ammo profilaktika inspektori ikkinchi avtomashina – «Nexia»ni to'xtatishga erishdi.

Avtoullovning rusumiyoq mayorning shubhasini oshirdi. Chunki so'nggi oylarda bir necha mahallada chorva mollari o'g'irlangan, surishtiruvlar davomida guvohlar jinoyat ro'y bergan kun-

lari oq «Nexia»ni ko'rganliklarini bildirishgandi.

Mayor gumon qilinuvchidan haydovchilik guvohnomasi va transport vositasiga oid hujjatlarni olib, mashinani ko'zdan kechira boshladi. Bu jarayonda bagajga to'shalgan polietilen plyonka va hayvon go'ngi uning diqqatini tortdi. Avtomashina egasi holatni yaqinda avtomashinasiga buzoq ortilgani bilan izohladi. O'z o'rnida, bu profilaktika inspektorini chiroq yordamida dala maydonini ko'zdan kechirishga undadi. Mayorning sa'y-harakatlari bekor ketmadi, 300 metrlar naridagi qalin o'tlar orasida buzoq ko'rindi...

Ko'p o'tmay, daladan topilgan chorva moli bundan bir oy ilgari «Do'stlik» mahallasida istiqomat qiluvchi fuqaroning hovlisidan o'g'irlangani aniqlandi.

Holatga aniqlik kiritish tuman IIB TQX jinoyat qidiruv guruhi katta tezkor vakili, mayor Jaloliddin Otabekovga topshirildi. U dastlabki surishtiruvdayoq asosan yosh yigitlardan tashkil topgan 7 kishilik jinoiy guruh Arnasoy va Do'stlik tumanlarida 9 ta jinoyat sodir etganini aniqlashga muvaffaq bo'ldi.

Ma'lum bo'lishicha, Do'stlik tumanining «Bunyodkor» mahallasida yashovchi jinoyatchilar kunduzi turli avtoullovlarda dala maydonlarini aylanib, qarovsiz qoldirilgan chorva mollari ko'z ostiga olishgan. Kechasi esa jinoiy maqsadlar amalga oshirilgan. O'g'irlangan ho'kiz, buzoq va qo'ylarni Sirdaryo viloyatining Oqoltin tumanida istiqomat qiluvchi dallol sotib olgan.

E'tiborlisi, yigitlarning aksariyatining oilasida iqtisodiy muammolar bo'lmagan, jinoiy guruh yetakchisi oliy o'quv yurti talabasi. Tergov jarayonida kimdir qilmishini onlayn qimorga ruju qo'ygani bilan izohlama, boshqasi to'qlikka sho'xlik qilganini tan oldi.

Joyi kelganda aytish kerak, jinoyatlar «Captiva», «Gentra» va «Nexia» rusumli avtoullovlarda amalga oshirilgan. Yana bir ma'lumot: jabrlanuvchilarga yetkazilgan zarar jinoiy guruh a'zolarining qarindoshlari tomonidan to'liq qoplandi.

**Alijon ABDUSATTOROV,**  
jurnalist.

*Jizzax viloyati.*



■ Сырдарьинская область

# ВЕЖЛИВО И БЕЗ ПРОВОЛОЧЕК

**Баяут – один из крупнейших районов Сырдарьи. Для обмена паспортов и получения новых граждане приезжают из отдаленных кишлаков Кийиктепа, Карапчи, Анорзор. Начальник отдела миграции и оформления гражданства ОВД района майор Илёс Муратов всегда вежлив, люди обращаются к нему с доверием.**

Во второй половине дня майор отправился на расположенное на территории района совместное предприятие, беседа с зарубежными специалистами, проверил их документы. Убедившись, что все в порядке, он еще раз напомнил подрядчикам, которые строят электростанцию, о действующих правилах.

...В начале октября в отдел явился пожилой гражданин из махаллы Усмонобод. С ним была внучка – выпускница школы. Многие повидавший аксакал удивился порядку и почти полному отсутствию очередей в подразделении. Оказывается, внучка подала документы в несколько



зарубежных вузов. И вот пришло приглашение из Сеульского университета – ее приняли на грантовой основе. Дедушка и внучка в радостном волнении поспешили сюда. В тот же день счастливой студентке оформили загранпаспорт...

В районе более пятидесяти общеобразовательных школ, и в этом году их оканчивают свыше полутора тысяч молодых людей. Более тысячи юношей и девушек уже получили ID-карты. Майор И. Муратов неоднократно замечал, что подростки, приходящие в отдел миграции и оформления гражданства, часто волнуются. Учитывая это, Илёс Муратов старается вручать каждому молодому человеку его ID-карту торжественно. Таким образом он подчеркивает, насколько важен документ, удостоверяющий гражданство Республики Узбекистан.

**Абдурахмон  
МУСТАФОКУЛОВ,  
соб. корр.**

✶ Подросток и общество

## СЛОЖНЫЙ ПЕРИОД СТАНОВЛЕНИЯ

**Агрессия у подростков – распространенное явление, возникающее под воздействием физиологических, психологических, социальных и личностных факторов. Переходный возраст всегда сопровождался внутренними конфликтами и эмоциональными всплесками, однако в условиях быстрых социальных изменений эти проявления стали заметнее.**

Прежде всего, агрессивность подростков часто связана с возрастными и физиологическими изменениями. Гормональные всплески усиливают импульсивность и эмоциональность, а нервная система реагирует на раздражители быстрее, чем подросток успевает осознать ситуацию. Из-за этого возникают вспышки гнева, резкие перепады настроения и чрезмерные реакции на мелочи. Мозговые зоны, отвечающие за контроль импульсов, развиваются медленнее, чем участки, регулирующие эмоции, поэтому подросток нередко действует раньше, чем

подумает. Он может резко ответить, хлопнуть дверью или уйти из дома, не задумавшись о последствиях. Позже он понимает, что перегнул, но в момент переживания эмоций сдержаться ему трудно.

Гормональные изменения усиливают стремление к самостоятельности и делают подростка чувствительнее к критике. При этом гормоны не создают агрессию с нуля – они лишь усиливают уже существующее напряжение, стресс и внутренние конфликты.

Не меньшую роль играют психологические и социальные факторы.

Подросток проходит этап формирования личности, стремится к независимости, пытается утвердить свое мнение. Давление школы, конфликты в семье, недостаток поддержки или влияние сверстников создают постоянное напряжение. В такой обстановке даже незначительное замечание может восприниматься как личное оскорбление. Агрессия в подобных ситуациях – это попытка справиться с внутренним дискомфортом, а не признак «плохого характера».

### Современные факторы: влияние цифровой среды

В наши дни подростки много времени проводят в цифровом пространстве, и это также влияет на их эмоциональное состояние. Быстрый поток информации, постоянные уведомления и увлечение мобильными играми могут перегружать психику. Сами игры не делают подростка агрессивным, однако если он уже находится в состоянии стресса,



длительное пребывание в телефоне усиливает раздражительность и снижает способность контролировать импульсы. В итоге ему становится сложнее сохранять спокойствие и адекватно реагировать на обычные ситуации.

### Как снизить проявления агрессии

Справиться с ней помогут поддержка, внимание и развитие навыков саморегуляции. Взрослым важно сохранять спокойствие, устанавливать понятные правила поведения, учить подростка выражать эмоции словами и давать возможность «остыть», когда сложно. Спорт, творческая деятельность и дыхательные упражнения уменьшают стресс и раздражительность. Если агрессия

становится разрушительной или длительной, стоит обратиться к психологу или психотерапевту.

Таким образом, агрессия у подростков – естественная часть переходного возраста, возникающая под воздействием физиологических, психологических и социальных факторов. Понимание причин, внимательное отношение взрослых и обучение подростка навыкам управления эмоциями помогают ему пройти сложный период взросления и сформировать зрелую, устойчивую и ответственную личность.

**Ойша БОЛТАЕВА,  
студентка  
Чирчикского  
государственного  
педагогического  
университета.**



## KARANTIN XIZMATI

## TOSHKENTDAN XORAZMGACHA...

**Viloyat IIB JXX JTSB**  
Karantin tadbirlarini ta'minlash guruhi xodimlari tomonidan hududiy veterinariya va chorvachilikni rivojlantirish xizmatlari, sog'liqni saqlash hamda boshqa mutasaddi idoralar bilan hamkorlikda iste'molga yaroqsiz mahsulotlar sotilishi va saqlanishining oldini olish maqsadida joriy yilning o'tgan davri mobaynida viloyatdagi mavjud dehqon bozorlarida 1688 marotaba, mol (hayvon) bozorlari 362 marotaba, savdo majmualarida 1583 marotaba profilaktik tadbirlar o'tkazildi.



Mas'ul idoralar bilan hamkorlikda jami 3613 marotaba maxsus reydlar uyushtirildi. Reydlarda veterinariya, veterinariya-sanitariya qoidalari hamda normalariga rioya etmagan jami 348 nafar shaxs aniqlandi. Ularga nisbatan ma'muriy bayonnomalarni rasmiylashtirilib, jazo chorasi tariqasida 133 mln. 978 ming so'm miqdorida jarima qo'llanildi.

Urganch shahar dehqon bozorida o'tkazilgan tadbirda 750 kg go'sht, 1264 kg sut va 12650 dona

tuxum, 1687 kg noma'lum sharoitda tayyorlangan mahsulotlar, Xiva shahar dehqon bozorida 560 kg go'sht, 480 kg sut va 3600 dona tuxum, 156 kg parranda go'sht mahsulotlari, Yangiariq tuman dehqon bozorida esa 420 kg go'sht, 230 kg sut va 3280 dona tuxum, 370 kg baliq mahsulotlarining sotuviga ruxsat berilmadi va ular belgilangan tartibda yo'q qilindi.

Yaqinda Xiva shahar hududida o'tkazilgan nazorat tadbirida

«Xiva-Urganch» yo'nalishida harakatlanib kelayotgan Toshkent viloyati Bo'ka tumani «Qora-qo'yli» mahallasida yashovchi, fuqaro O. Axmedov boshqaruvidagi «Nexia» rusumli avtotransport vositasi to'xtatib tekshirilganda, uning yukxonasi va salonida veterinariya-sanitariya qoidalari zid ravishda hamda tegishli veterinariya hujjatlariga ega bo'lmagan jami 485 kg iste'molga yaroqsiz mol go'shti mahsulotlarini olib ketayotganligi aniqlandi.

Toshkentdan Xorazmgacha 1100 kilometr masofani bosib kelgan mehmonning bu ishi albatta kishini ranjitadi. Shu bois, ushbu go'sht mahsuloti Xiva shahar Hayvonlar kasalliklari tashxisi va Oziq-ovqat xavfsizligi davlat markazi xulosasiga ko'ra iste'molga yaroqsiz deb topilgani uchun yoqib yo'q qilindi.

Shu singari Urganch tumanida joylashgan «Cholish» blok-postida «Beruniy-Urganch» yo'nalishi bo'ylab harakatlanib kelayotgan Urganch tumanida yashovchi fuqaro A.R. Otajonovga tegishli bo'lgan «DAMAS» rusumli, 90 N 405 ZA davlat raqam belgili avtomashina to'xtatilib tekshirilganda, uning salonida veterinariya-sanitariya qoidalari zid ravishda hech qanday hujjatsiz olib ketilayotgan, kelib chiqishi noma'lum bo'lgan 380 kg yirik shoxli qoramol go'shti borligi aniqlandi.

Faqat o'z nafsi va shaxsiy manfaatini o'ylab, turli yo'llar bilan yaroqsiz mahsulotini sotishga urinayotgan kishilarga nisbatan qonuniy choralar ko'rilmogda.

**Jasurbek VAFAYEV,**  
mayor.

*Xorazm viloyati.*

## EHTIYOT BO'LING: FIRIBGAR!

BIGIZNI QANORDA  
YASHIRIB BO'LMAS

**Muzrabotlik Rasul Nomozov (ism-sharifi o'zgartirildi) xususiy firmalardan birida ish boshqaruvchi lavozimida ishlardi. Biroz maishatparast bo'lgani bois maoshini olishi bilan sarflab yuboradigan odat chiqardi. Hadeb tanishlaridan qarz so'rash o'ziga ham yoqmay qolgach, pul topishning yangi yo'llari haqida bosh qotira boshladi.**

Kimdir berilgan rizqini halol, kimdir qing'ir yo'l bilan topishga harakat qiladi. Rasul Nomozov esa ikkinchi yo'lni tanladi. Aniqrog'i, qiynalmasdan boylik orttirishni istab qoldi.

Kunlardan bir kuni Rasul muzrabotlik tanishi Go'zal Boqiyevani uchratib qoladi. Suhbat chog'ida ayolga Termiz shahridagi «Amu sohili» mahallasida kam ta'minlangan oilalarga uy berilayotganini aytib, unga o'sha uylardan birini sotib olish taklifini beradi. Buni qanday amalga oshirish mumkinligini so'raganida esa, uyning boshlang'ich to'lovi 15 million so'm ekanini, qolganini 20 yilga bo'lib to'lashi mumkinligini aytdi. Uyni olib berishda tanishlari orqali unga yordam berishini bildiradi. Go'zal Boqiyeva bu taklifga rozi bo'ladi va Rasulga 13 million 706 ming so'm miqdoridagi pullarni bo'lib-bo'lib beradi. Biroq berilgan valdalar yolg'onligi tufayli «qahramonimiz» shu bo'yi juftakni rostlaydi.



Birinci tashlagan qarmog'iga «xo'rak» osongina ilinganini ko'rib, u ikkinchi rejasini amalga oshirishga kirishadi.

Bir kuni mahalladoshi Habib Mardonov Rasulni uchratib qolib, unga ayni paytda ishsiz ekanini, agar biror ishning daragi bo'lsa, yordam berishini so'raydi. Oradan ikki kun o'tib, Rasul Nomozov yangi «xo'rak»ka qarmoq tashlash rejasini tuzib, unga qo'ng'iroq qiladi. Telefonda Termiz tumanidagi «Uchqizil» mavzesida xorijliklar tomonidan qurilayotgan quyosh panellari obyekti qo'riqchi kerakligini, firma rahbari unga ishonchli odam topishni so'raganligini aytdi. Ishga joylashish uchun xarajati borligini aytib, o'zining bank plastik kartasiga 8 million so'm miqdoridagi pulni tashlatib oladi. Pulni olgach, odatiga ko'ra, yana g'oyib bo'ladi.

Yolg'oniga laqqa tushgan fuqarolar oradan vaqt o'tib, undan pullarini talab qilishdi. Biroq Rasul Nomozov «erta-indin beraman, hozir ishlarim yurishmayapti» deb aldab yuravergach, jabrlanuvchilar Termiz shahar IIBga ariza bilan murojaat qilishdi. Holat yuzasidan jinoiy ish qo'zg'atildi va R.Nomozovning firibgarligiga yarasha qonuniy chora ko'rildi.

**Feruz ALIBOYEV,**  
mayor.  
**Feruza RAHMONQULOVA,**  
o'z muxbirimiz.

*Surxondaryo viloyati.*

## QATRA

## YURAK

Tuyqus yuragimni his qilmay qo'ydim. U ko'ksimda urning qo'ygandek go'yo. Nazarimda, uni yelkamga ortib olgandekman. Hayronman, negadir u borgan sari og'irlashib bormogda. Ilgari u butun tanamni ko'targan-ku. Men esa tanamdan bir necha barobar kichkina yuragimni ko'tarolmayapman. U menga og'irlik qilyapti...

Qiziq, u tanamni ko'tarib yurgan mahal hecham nolimagandi. Mushtumday bo'lishiga qaramay, barcha og'riq sitamlarni indamay ko'targandi. Hattoki ne-ne tuhmat-u yolg'onlarga dosh bergan ham u. Sevgi iztiroblarini, hijron azoblarini ham, do'st-u yoronlar xiyonatini ham ko'targan aslida u edi. Shu kungacha barini ichiga yutdi. Indamadi...

Kutdi, baribir kun kelib, hammasi boshqacha bo'lishiga ishonadi. Sofdil do'stlar, haqiqiy muhabbat, chin yor, bari istaganidek bo'lishiga umid qilgandi u...

Afsus, bari chaparasta bo'ldi. Endi uning taqdiri jarrohning qo'lida. Ular hayot zarbalaridan tilim-tilim bo'lgan yurak chokklarini tikishardi.

Shifokordan so'radim: «Doktor, yuragim yashaydimi?» U indamay, ko'rsatkich barmog'i bilan shiftni ko'rsatdi...

**Shohrux Mirzo JO'RAYEV,**  
TDSHU o'qituvchisi.

## YOSHLAR – KELAJAK BUNYODKORI

## JASORAT TOMON ILK QADAM



**Nurmuhammad Ravshan-qulov Boyovut tumanidagi 40-sonli umumta'lim maktabining 5-sinf o'quvchisi. Joriy o'quv yili u sinovlardan muvaffaqiyatli o'tib, maktabda tashkil etilgan «Jasorat sinfi»ga qabul qilindi.**

«Jasorat sinfi»ning aynan 40-umumta'lim maktabida tashkil etilishi bejiz emas. O'tgan yili ushbu maktabni tugatgan bitiruvchilarning aksariyati oliy ta'lim muassasalaridan o'rin olgani uning salohiyatidan dalolat beradi.

– Yosh avlodni Vatanga muhabbat, sadoqat ruhida tarbiyalash – ulug' ish, – deydi maktab direktori Asqarali Odilov. – Bunday sharaflı ish bizga katta mas'uliyat yuklaydi. Tuman IIB, Mudofaa bo'limi bilan hamkorlikda tashkil etilgan «Jasorat sinfi» ana shunday ulug' vazifani bajarishda muhim o'rin tutadi.

CHQBT, tarix, huquq, matematika, fizika fanlari bo'yicha dars mashg'ulotlari chuqurlashtirib to'liq o'tilishidan tashqari, darsdan keyingi to'garak mashg'ulotlarida o'quvchilarning bilimni oshirish choralari ham ko'rilyapti.

– Maktabga har bir tashrifimizni o'quvchilar qizg'in qarshi oladi, – deydi tuman IIB voyaga yetmaganlar masalalari bo'yicha inspektor-psixologi, kapitan Nosir No'monov. – Mashg'ulotlar jarayonida ular bizga o'zlarini qiziqtirgan savollar berishadi.

Maktabga deyarli har kuni tuman IIB va boshqa huquq-tartibot organlari xodimlari, harbiylar borib, ma'naviy-ma'rifiy, huquqiy targ'ibot tadbirlari o'tkazishadi. Bu maktab o'quvchilari tomonidan katta qiziqish bilan kutib olinmoqda.

**Abdurahmon MUSTAFOQULOV,**  
o'z muxbirimiz.

*Sirdaryo viloyati.*

## TERGOV AMALIYOTIDAN

PULLARINI  
KO'PAYTIRMOQCHI  
EDI, AMMO...

Karima (ismlar o'zgartirildi) pul oldi-berdisida bировga ishonmasdi. Shu bois bировdan pul ham so'ramas, qarz ham bermasdi. Ayniqsa, ijtimoiy tarmoqlardagi xunuk xabarlarni o'qib qolsa yoki yaqin-u tanishlaridan firibgarlar falonchini tushirib ketibdi, deb eshitsa, «Battar bo'lsin, nega surishtirmasdan bировga ishonib pul beradi», derdi. Ammo o'zining ham firibgar aldoviga uchishini sira o'ylamagan edi. Kunlarning birida doimiy mijozlaridan bo'lgan Nazokatxon do'koniga kirganida, uni tushlikka taklif qildi.

– Anchadan beri so'rayman deymen, nima ish bilan shug'ullanasiz? – deya Karima sherigini suhbatga tortdi.

– Nima desam ekan? Shu treydinglik faoliyati, ijtimoiy tarmoqda kanal ochganman. Odamlarning hojatini chiqaraman. – Nazokat dabdurustdan pulini ko'paytirib beraman, demadi.

– Blogermisiz?

– Shunaqaroq...

Oradan uch kun o'tib, Nazokat Karimadan ikki yuz dollar qarz so'radi. Bir haftadan so'ng qarziga qo'shib besh yuz ming so'm pul uzatdi. Lekin Karima pulni olmayman, deb turib oldi. Shunda Nazokat kechki ovqatlanish bizning hisobdan deya, Karimani restoranga yetaklab bordi. U yerda rosa yayrashdi. Sarxil taomlar-u qimmatbaho ichimliklar keti uzilmadi.

Shu-shu, ikkisi opa-singilday bo'lib ketishdi. Nazokat ahyon-ahyonda Karimadan qarz olar va qarzlarini tez fursatda ziyofat bilan uzardi. Keyinchalik qarzning bir qismini uzib, ko'p o'tmay yana katta

qarz olardi. Qarzlar yig'ilib-yig'ilib, naq 13000 AQSH dollariga yetdi...

– O'g'lim, ko'p qavatli uylardan olmoqchiman, ona pul bering, demasaydi, haliveri qarzimni ham so'ramasdim, – deydi Karima tergovchining savoliga javoban.

Shu tarzda Nazokatning barcha kirdikorlari fosh bo'ldi. U birgina Karimani emas, yana 15 nafar kishining ishonchiga kirib, qaqshatib ketgan. Shunday qilib, pulini ko'paytirmoqchi bo'lganlar chuv tushib qolaverishgan.

Xulosa o'rnida aytmoqchi bo'lganimiz, aziz hamyurtlar, xalqimiz bejiz «O'zingga ehtiyot bo'l, qo'shningni o'g'ri tutma», demagan. Shuning uchun, avvalo, o'zingiz hushyor bo'lganingiz yaxshi. Hushyorlik, sergaklik har kuni, har soat, har onda zarur bo'lyapti. Buni esa aslo unut-manglar! Aks holda, siz ham chuv tushib qolishingiz mumkin.

**Eldor QURBONOV,**  
mayor.  
**Mirzoqul AHADOV,**  
o'z muxbirimiz.

*Buxoro viloyati.*

## BIZ GIYOHVANDLIKKA QARSHIMIZ!

## KATTA «DOZA»LAR MANZILIGA YETMADI

IIV Tezkor-qidiruv departamenti va uning hududiy bo'linmalari xodimlari bilan hamkorlikda Toshkent viloyatining Bekobod tumanida tezkor tadbir o'tkazildi. 2002-yilda tug'ilgan fuqaro Bekobod tumani Toshkent avtoyo'li yaqinida 1 kilogramm 60 gramm opiy, 972 gramm gashish giyohvandlik vositalarini xaridorga 18 ming AQSH dollariga sotayotgan vaqtida ushlendi.



O'tkazilgan tezkor tadbir natijasida 10 ming 660 dozaga teng bo'lgan

2 kilogramm 132 gramm giyohvandlik vositalari tarqalishining oldi olindi. Maz-

kur holat yuzasidan ushbu fuqaroga nisbatan Jinoyat kodeksining tegishli moddasiga ko'ra, ozodlikdan mahrum qilish jazosi belgilanishi mumkin.

Keyingi manzilda psixotrop modda hisoblangan 1000 dona «regapen» kuchli ta'sir qiluvchi dori vositalarining noqonuniy muomalasiga chek qo'yishdi. Gumonlanuvchilar o'z qilmishlarini berkitish maqsadida psixotrop moddalarni iste'molda bo'lgan vitamin qutilariga joylab tarqatishni ko'zlashgan ekan.

Yana bir tezkor tadbir davomida 1997-yilda tug'ilgan shaxs va uning jinoiy sherigi, 1993-yilda tug'ilgan ayol «Sirdaryo-Toshkent» yo'nalishi bo'ylab avtoma-



shinada harakatlanib ketayotgan vaqtida «Chinoz» YPX maskanida to'xtatilib tekshirilganida, mashina salonidan 5000 dozani tashkil qiluvchi 1000 dona kuchli ta'sir qiluvchi dori vositalari borligi aniqlandi. Dori vositalari ashyoviy dalillar hujjatlashtirib olindi.

Kuchli ta'sir qiluvchi sintetik psixotrop moddalar inson ongiga, ruhiy holatiga va jismoniy salomatligiga bevosita salbiy ta'sir ko'rsatuvchi xavfli kimyoviy birikmalardir. Viloyat hududida bu kabi hamkorlikdagi tezkor tadbirlar davom etmoqda.

**O'z muxbirimiz.**  
*Toshkent viloyati.*





## Туризм



# СЕНТОБ – ЖЕМЧУЖИНА НУРАТЫ

Древнее горное село Сентоб, расположенное в живописных предгорьях Нуратинского хребта в Навоийской области, становится одним из самых заметных туристических направлений Узбекистана. Сочетая многовековую историю, самобытную культуру и уникальную природную среду, он покоряет сердца как зарубежных, так и местных путешественников.

Горные пейзажи, величественные курганы, целебные источники... Посетителей встречают старинные каменные дома, сохранившие традиционную архитектуру. Здесь проживает около трех тысяч человек, при этом большинство местных жителей занимаются ремесленничеством. Каждый уголок поселения словно переносит гостей в эпоху древних цивилизаций.

В селе активно развивается туристическая инфраструктура. В рамках программы расширения семейного предпринимательства открыто два десятка гостевых домов, три хостела. Уверенный рост демонстрирует гастрономический туризм. Благодаря этому пу-



тешественники могут познакомиться с подлинным национальным гостеприимством.

Туристической привлекательности Сентоба способствует и выгодное географическое положение. В тридцати километрах от села расположен Айдаркуль, на берегу которого находятся юртовые лагеря, способные одновременно принять более трех тысяч путешественников.

Обладая официальным статусом «Туристической деревни», Сентоб получил международное признание. На 25-й сессии Генеральной ассамблеи Всемирной туристской организации (UNWTO), проходившей в Самарканде, поселок был удостоен звания «Лучшая туристическая деревня».

Соб. корр.



## МУНАЖЖИМЛАР БАШОРАТИ

(22 – 28 декабрь)



**Қўй (21.03 – 20.04).** Келаётган ҳафтада барча йўналишларда муваффақият қозонасиз. Сиз ўз кучингизга ишонасиз ва буни атрофдагилар ҳам кўришни бошлайди. Ҳафтанинг иккинчи ярмида тақдирингизни ўзгартиришга сабаб бўлувчи воқеа рўй бериши мумкин. Имкон қадар ўзингизни асрашга ҳаракат қилинг.



**Бузоқ (21.04 – 20.05).** Шу кунларда ким биландир тортишган ва жанжаллашган бўлсангиз, имкон қадар тезроқ ярашишга ҳаракат қилинг. Иш жойингизда зиммангизга мураккаб вазифа юкланиши мумкин. Мазкур ҳафта иш билан боғлиқ тадбирларда иштирок этиш учун мақбул даврдир.



**Эгизаклар (21.05 – 21.06).** Бу ҳафта сиз учун жуда самарали ва омадли келади. Иш жойингизда барча вазифаларни муваффақиятли амалга оширасиз. Молиявий масалаларда ҳам қийинчиликка дуч келмайсиз. Агар уйга бирон нарсани харид қилиш ниятида бўлсангиз, яхшиси буни ҳафтанинг сўнгги кунларида амалга оширган маъқул.



**Қисқичбақа (22.06 – 22.07).** Душанба ва сешанба кунлари қийинчиликларга шай турунг. Иш жойида муаммолар кузатилиши мумкин. Ҳафта ўрталарида истиқболли танишув ва бирон тадбирга таклиф кўринишида ёқимли совға кутмоқда. Дам олиш кунлари табиат қўйнига сайрга чиқинг.



**Арслон (23.07 – 23.08).** Дастлабки уч кун бироз оғир кечади. Ўзаро тушунмовчилик ва муроСага келмаслик атрофдагилар билан муносабатларга салбий таъсир кўрсатиши мумкин. Жиддий лойиҳаларга ҳозирча қўл урмаганингиз маъқул. Маблағ сарфлашда эҳтиёткор бўлинг.



**Паризод (24.08 – 23.09).** Бу ҳафта ҳар қандай масалалар осонликча ўз ечимини топади, шунингдек, мушкул вазифаларни тез орада йўлга қўйишга эришасиз. Ширинсуханлик ва боадаблик билан ҳаракат қилинг, шунда ҳеч ким ҳеч сиздан ўз ёрдамини дариг тутмайди.



**Тарози (24.09 – 23.10).** Ҳафтанинг биринчи ярми қатъий ва дадил ҳаракатлар, таклиф ва ташаббуслар вақти. Бу даврда молиявий ишларни йўлга қўйиш осон кечади. Ички сезиш ҳисси сизга исталган вазиятдан чиқиб кетиш ва муаммоларни ҳал этишга ёрдам беради.



**Чаён (24.10 – 22.11).** Ҳафта бошида тақдирингизни ўзгартиришга қодир янги танишув юз бериши эҳтимоли юксак. Кейинги кунлар «иш-уй» тартибида ўтади. Жума куни кайфиятингиз кўтарилиб, ўзингизни яхши ҳис қилишингиз мумкин.



**Ўқотар (23.11 – 21.12).** Ҳафта ўрталарида узоқ кутилган қарзингизни қайтаришади ёки кўп маошли ишга таклиф оласиз. Жума кунидан кейин иш жойида тушунмовчиликлар, молиявий қийинчиликлар ва оилада муаммолар кузатилиши мумкин. Бунга сиз томондан масъулиятнинг сулласиши ва интизомга амал қилмаслик сабаб бўлади.



**Тоғ эчкиси (22.12 – 20.01).** Ҳафта ўртасида кузатилган пул тушуми кўпгина муаммоларни ҳал этишга хизмат қилади. Оила аъзолари билан бироз тортишиб қолишингиз мумкин. Куч-қувватингизни фойдали ишга йўналтиришни уddaлай олмасангиз, бундан асло аччиқланманг, яхшиси спорт билан шуғулланинг.



**Қовға (21.01 – 19.02).** Ҳафта бошида дўстларга сизнинг ёрдамингиз зарур бўлиб қолиши мумкин. Вақтингизни маиший муаммоларни ҳал этишга бағишланг. Чоршанба учун режалаштирилган хизмат сафарлари омадли кечади, жума куни эса бундай сафарлардан узоқ турган маъқул. Дам олиш кунлари узоқдан қариндош ва яқинларингиз ташрифи кутилмоқда.



**Балиқ (20.02 – 20.03).** Ҳозир ҳар қандай тортишувларнинг ўрни эмас. Аксинча, ҳамма билан яхши муносабат ўрнатишга, ҳар бир ишни хушмуомалалик билан ҳал этишга ҳаракат қилинг. Бу даврда амалга оширилган келишувлар у қадар омадли бўлмайди. Лекин қўшимча таълим олиш, мустақил ўқиб-ўрганиш фақатгина фойда келтиради.



## IIV TA'LIM MUASSASALARIDA

YOSHLAR BILAN  
MULOQOT

**Mamlakatimizda keyingi yillarda xotin-qizlarning huquq va manfaatlarini, gender tengligini ta'minlash, oila, onalik va bolalalikni himoya qilish davlat siyosatining ustuvor yo'nali-shiga aylandi. Bunga javoban, xotin-qizlarning ijtimoiy-siyosiy jarayonlardagi ishtiroki tobora ortib bormoqda.**

IIV 1-sonli Toshkent akademik litseyida poytaxt IIBB sohaviy xizmatlar vakillari hamda mazkur ta'lim muassasasi o'quvchi qizlari ishtirokida bo'lib o'tgan davra suhbatida bu borada atroflicha so'z yuritildi. Tadbirda xotin-qizlarga nisbatan zo'ravonlikning oldini olish, mavsumiy yuqumli kasalliklar, IIVning oliy ta'lim muassasalariga o'qishga kirish uchun harbiy-tibbiy komissiyada tibbiy guvohlantirishdan o'tish tartibi, ichki ishlar organlarida xodimalarga ko'rsatilayotgan e'tibor va yaratilgan shart-sharoitlar, kiber-madaniyatni yuksaltirish mavzulari yuzasidan ma'ruzalar tinglandi.

– Bosh boshqarma va uning tizimlarida erkaklar bilan bir safda, bir maqsad yo'lida sadoqat va fidoyilik bilan xizmat olib borayotgan ayollar ulushi tobora ortyapti,

– deydi Toshkent shahar IIBB HPB boshlig'ining o'rinbosari, podpolkovnik Shirin Normatova. – Bu, avvalo, Yurtboshimiz rahnamoligida jamiyatning barcha jabhalarida xotin-qizlarimizning o'rni va rolini oshirishga qaratilayotgan e'tiborning mahsulidir. Qolaversa, ichki ishlar organlaridek mas'uliyati og'ir sohada ularning samarali faoliyat yuritishi uchun ishonch bildirish, imkoniyat va sharoit yaratish, har tomonlama qo'llab-quvvatlash, imkoniyatlarini yuzaga chiqarishga ko'maklashish borasida tizimli chora-tadbirlar olib borilmoqda.

Shuningdek, ochiq muloqot tarzida o'tgan tadbirda ishtirokchi yoshlarga inson qiziqqan sohasida o'z qobiliyatini yuzaga chiqarishi uchun o'qish-o'rganishdan va izlanishdan to'xtamasligi kerakligi uqtirildi. Hayotdagi qiyinchiliklardan cho'chimay, bilmaganlarini ustozlaridan, hamkasblaridan so'rab, o'z burchini sidqidildan ado etishga kirishganlar barcha sohalarida bo'lgani kabi, ichki ishlar organlari tizimida ham ko'zlagan maqsadlariga erishishi ta'kidlandi.

**Gulnoza TURG'UNBOYEVA,**  
o'z muxbirimiz.

*Toshkent shahri.*

## КИТОБ ЖАВОНИНГИЗГА

## КЕНГ ТАХЛИЛЛАР ЖАМЛАНГАН МАНБА

**Таниқли олим, тарих фанлари доктори, профессор, Ўзбекистон Журналистлар уюшмаси аъзоси Карим Норматовнинг «Янги Ўзбекистон бунёдкори» номли эссе-монографияси чоп этилди.**

IIV Малака ошириш институти томонидан нашрга тайёрланган mazkur китобда мамлакатимиз эришаётган ютуқлар, Ўзбекистоннинг жаҳон ҳамжамиятидаги мавқеи юксалиб бораётгани ҳақида кенг таҳлиллар, шунингдек, таниқли журналистлар, профессор-олимларнинг долзарб мавзулардаги илмий-амалий мақолалари берилган.

Бугун фикрлар хилма-хиллиги ОАВ олдида мамлакатимиз ва хорижда рўй бераётган воқеа-ҳодисаларни ҳисобга олган ҳолда, амалга оширилаётган ислохотларнинг очиқ ва ошқоралигини тўлиқ таъминлаш, Ўзбекистон юритаётган ташқи ва ички сиёсатни янада фаол ёритиш вазифасини қўймоқда. Бунинг учун барча шарт-шароит яратилган.

Бундай кенг имкониятларга эга бўлган ва фуқаролик жамиятининг муҳим институтларидан бири ҳисобланган юртимиз оммавий ахборот воситалари жамоатчилиги фикрини ифода этадиган,



ҳаётимизнинг барча жабҳаларини янада демократлаштириш йўлида хизмат қиладиган кучга айланмоғи керак.

Хулоса қилиб айтганда, «Янги Ўзбекистон бунёдкори» — янги давр ривож, Президентимиз ислохотларининг мазмун-моҳияти, журналистика соҳасининг ўрни ва роли ҳақида чуқур мулоҳазалар жамланган муҳим манбадир. У нафақат журналистлар, балки кенг китобхонлар оммаси учун ҳам фойдали манба бўлиб, ўқувчини илҳомлантиради, вазифаларга янги кўз билан қарашга ундайди ва Янги Ўзбекистонни барпо этишда ҳар бир фуқаронинг ўз ўрни ва масъулияти борлигини эслади.

**Аброр ПОЁНОВ,**  
ўз muxbirimiz.

IIV Birlashgan tahririyati jamoasi tahririyat mas'ul muharriri Erkin Sattorovga onasi

**OYSHA ayaning**

vafot etgani munosabati bilan hamdardlik bildiradi.

## BIR TUMAN TARIXI

## CHIMBOYMI YOKI SHINIBOY?

Chimboy tumani shimoli-g'arbdan Mo'ynoq, g'arbdan Bo'zatov, janubdan Kegeyli va sharqdan Qorao'zak tumanlari bilan chegaradosh. Tumanda 8 ta ovul fuqarolar yig'ini mavjud bo'lib, 113 ming nafarga yaqin aholi istiqomat qiladi. Aholining asosiy qismini qoraqalpoqlar tashkil etib, shuningdek, o'zbek, qozoq, rus, tatar, koreys va boshqa millat vakillari ham o'zaro ahil-inoq yashashadi. Markazi Chimboy shahri.

Chimboy tumani 1927-yil 3-iyulda tashkil topgan. Lekin tumanning tarixi qadim davrlarga borib taqaladi. Bir qator tarixchilarning olib borgan ilmiy izlanishlariga ko'ra, ushbu hududda VIII–XIII asrlarda Kerder, XVII–XVIII asrlarda Shaxtemir nomli shaharlar mavjud bo'lgan.

Qoraqalpoq adabiyoti va folkloriga ko'ra, hududning Chimboy deb atalishi Shiniboy ismli kishi bilan bog'liqligi taxmin qilindi. Shiniboy yaxshi hayot kechirish uchun makon izlab yurib, hozirgi paytda ham tuman o'rtasidan oqib o'tadigan Kegeyli kanalining chap qirg'og'iga kelib qoladi. O'sha paytlar bu yer qalin o'rmon bo'lgan. U dastlab ovchilik, baliqchilik, so'ngi dehqonchilik bilan shug'ullanadi.

Kanal suvining yaqin bo'lishi va yerning unumdorligi tufayli, u qisqa vaqt ichida oilasining moddiy ahvolini yaxshilashga muvaffaq bo'ladi. Buni eshitgan yaqin atrofdagi boshqa kishilar ham shu hududga ko'chib kela boshlaydi. Mazkur aholi maskanini Shiniboy ovuli deb atay boshlashadi. Ovul ahli yil sayin ko'payib boraveradi. Ularning orasida dehqonchilikdan tashqari, turli hunarlar bilan shug'ullanadigan ustalar ham bor edi. Qoraqalpoq milliyatini aks ettiruvchi muhim atribut – qora uylar hozirgi kunda ham faqat ushbu tumanda tayyorlanadi. Keyinchalik hudud-



da bozor, yillar o'tib esa Chimboy shahri paydo bo'ladi.

Yana qiziq jihati shundaki, Chimboy nomli qishloqlar Qozog'iston va Tojikistonda, shuningdek, O'zbekistonning Toshkent, Farg'ona, Samarqand, Qashqadaryo viloyatlari hududlarida ham uchraydi. Rossiya topograf zobiti D.Gladishev va Eron gvardiyasi fligel-ad'yutanti Riza Kuli Mirza o'z sayohatnomalarida shaharning joylashuvi, aholisi, yashash tarzi to'g'risida batafsil ma'lumotlar yozib qoldirgan.

Hozirgi kunda tuman iqtisodiyotida qishloq xo'jaligi asosiy o'rinni egallab, paxtachilik, sholikorlik va polizchilik rivojlangan. Shuningdek, aholi chorvachilik va pillachilik bilan ham shug'ullanadi. Tumanda paxta tozalash, yog'moy, g'isht, asfalt-beton zavodlari, Qoraqalpog'iston qishloq xo'jaligi ilmiy tadqiqot instituti, qizil miyani qayta ishlash bo'yicha qo'shma korxona faoliyat ko'rsatadi.

**Azamat PIRNIYAZOV,**  
o'z muxbirimiz.

*Qoraqalpog'iston Respublikasi.*

## QUTLOV

## YILLAR VA YO'LLAR OSHA

Mamlakatimizda ommaviy axborot vositalari orasida «Saodat» jurnali eng mo'tabar nashrlardan biri hisoblanadi. U momolarimiz, buvilarimiz, onalarimiz, opa-singillarimiz va qizlarimiz qalbiga yo'l topib, oilalarga ma'rifat, tarbiya va ziyo ulashib kelmoqda.

O'zbekiston Respublikasi Oila va xotin-qizlar qo'mitasi muassisligida nashr etiladigan mazkur jurnal yaqinda o'zining 100 yillik qutlug' to'yini nishonladi. Ma'lumot o'rinda ta'kidlash joizki, ijtimoiy-siyosiy, adabiy-badiiy, bezakli jurnalning ilk soni 1925-yilda bosmadan chiqqan. Jurnal 1925-yil dekabr oyida «Yangi yo'l» nomi bilan nashr etilgan bo'lib, 1936-yilda «Yorqin turmush», 1938-yilda esa «Yorqin hayot» deb nomlangan. 1941–1950-yillarda Ikkinchi jahon urushi munosabati bilan jurnal nashri vaqtincha to'xtatilgan.

1950-yildan boshlab nashr «O'zbekiston xotin-qizlari» nomi bilan o'z faoliyatini qayta tiklagan. 1966-yildan esa xotin-qizlarning ezgu niyatlari,

orzu-intilishlari va qalb istaklariga hamohang ravishda «Saodat» nomi bilan millionlab muxlislar xonadoniga kirib bordi.

Turli yillarda jurnalga Tojixon Shodiyeva, Sobira Xoldorova, Xosiyat Tillaxonova, Saodat Shamsiyeva, Fotima Niyozaeva, Iqbol Akbarxo'jayeva, Oydin Sobirova, Zulfiya Isroilova, Halima Xudoyberdiyeva, Oydin Hojiyeva kabi benazir ijodkorlar muharrirlik qilgan. 2018-yildan buyon bugungi kunga qadar jurnalga O'zbekistonda xizmat ko'rsatgan madaniyat xodimi, shoira Munavvara Usmonova rahbarlik qilib kelmoqda. Kezi kelganda ta'kidlash joiz, Munavvara Usmonova IIV huzuridagi Jamoatchilik kengashining faol a'zosi ham hisoblanadi.

Fursatdan foydalanib, «Saodat» jurnali jamoasi va faxriylarini bir asrlik yubileyi munosabati bilan samimiy qutlaymiz. Ularga ezgu va sharaflilik ishlarida ulkan omad va muvaffaqiyatlar tilab qolamiz.

IIV Birlashgan tahririyati jamoasi.



«Saodat» jurnali muqovasida: 1974-yil. Toshkent shahar davlat yo'l inspeksiyasi kichik serjanti Dilorom Gilfanova Toshkent markazida transport harakatini tartibga solmoqda.

Mixail TATARNIKOV olgan surat.

## DUNYO BO'YLAB

## XITOIY BOSMA NASHRLARI HAQIDA

Xitoyda ilk gazetalar Tan sulolasi davrida «Bao Zuang» va «Di Li Zuang» nomlari bilan chop etilgan. Shin sulolasi davrida «Di Bao» gazetasiga asos solingan va nashrlardagi xabarlar imperator saroyining siyosiy faoliyatiga tegishli bo'lgan, ijtimoiy hayot yoritilmagan hamda yuqori martabali amaldorlar uchungina nusxa ko'chirilgan. Min sulolasining dastlabki yillarida ham ushbu qat'iy tizim saqlanib qolib, sulolaning so'nggi yillariga yaqin gazetalarda ijtimoiy yangiliklar yoritila boshlandi va Xitoy matbuoti tarixidagi ulkan yangilikni boshlab berdi.



Xitoy matbuotining eng rivojlangan davrini Chin sulolasi bilan bog'lash mumkin. Chin sulolasiga kelib gazetalarni tarqatish qamrovi kengayib, undan oddiy xalqdan tashqari olimlar va ziyolilar kabi auditoriya guruhlari foydalana boshladi, bosma usul texnologiyasi yaratildi, matbuotning maqomi oshdi va gazetalarni yuritish uchun barchaga ruxsat berildi.

Gazetalar adadi jihatidan Xitoy dunyoda birinchi o'rinda turadi. «Jenmin jibao» («Xalq gazetasi») davlatning bosh nashri hisoblanadi. Mamlakatda olib borilayotgan islohotlar, yangilanishlar haqida bir-biridan muhim maqolalar,

dolzarb reportajlar, qiziqarli interv-yular berib boriladi. Xitoyliklar ayni shu jarayonlar haqida gazetadan o'qishni afzal bilishadi. Mazkur nashrning internet foydalanuvchilari soni ham hayratlantirmay qo'y-maydi — salkam sakkiz yuz million o'quvchidan iborat.

«Chendu», «Chjeszyan», «Guanchjou», «Xenan», «Dajong» kundalik gazetalari katta daromad ko'radigan nashrlar sanaladi. Se-vib o'qiladigan gazetalar orasida «Global tayms», «Gunjen jibao» («Ishchilar kundaligi»), «Fachji jibao» («Huquq kundaligi»), «Nunmin

jibao» («Qishloq xo'jaligi kundaligi») va boshqalarni keltirish mumkin. Yana bir nufuzli gazeta — «China Daily» hisoblanib, u faqat ingliz tilida chop qilinadi.

Chinliklar mutolaaga, matbuotga alohida e'tibor berishadi. Ko'cha-ko'yda gazeta do'konlari ko'p. Aholi bu yerda bir qancha nashrlarni muntazam ravishda xarid qiladi. Pochta xizmati ham samarali yo'lga qo'yilganki, o'quvchi obuna bo'lgan gazeta, u bir kunda ikki mahal, ya'ni kunduzgi va kechki sonlari chiqishiga qaramay, tezkorlikda yetkazib beriladi.

O'z muxbirimiz.

MUASSIS:  
O'ZBEKISTON RESPUBLIKASI ICHKI ISHLAR VAZIRLIGI

## Bosh muharrir

polkovnik  
Bernora SADIKOVA

Bosh muharrir  
o'rinbosarlari

podpolkovnik  
Azizjon FAYZIYEV  
mayor  
Aziza BOHODIROVA

## Mas'ul muharrir

Erkin SATTOROV

## Veb-dizaynerlar

Zokir BOLTAYEV  
Ilhom JUMANOV  
Akbar BOLTAYEV

## Navbatchilar

Shuhrat RO'ZIYEV  
Radik TUMPAROV

## TELEFONLAR:

71-231-33-88;

## Obuna masalalari

bo'yicha:  
71-231-38-74;  
97-420-89-24

Web-site: www.postda.uz  
E-mail: info@postda.uz

ISSN 2010-5355



Tahririyat hisob raqami h/r  
23402000300100001010.  
Bank kodi 00014.

O'zbekiston Respublikasi Iqtisodiyot va moliya vazirligi g'aznachiligi.

Shaxsiy h/v  
460010860262877031101179003  
STIR 200637499.

Gazeta O'zbekiston matbuot va axborot agentligi tomonidan 2020-yil 13-yanvarda 0120-raqam bilan ro'yxatga olingan.

Manzilimiz: 100070, Toshkent shahri, Shota Rustaveli 1-berk ko'chasi 9-uy.

Buyurtma № 3600.  
Bosilish — ofset usulida.  
Bichimi — A3.  
Hajmi — 6 bosma taboq.  
44995 nusxada chop etildi.

**Obuna raqamlari:**  
Yakka tartibda — 180.  
Tashkilotlar uchun — 366.  
Bosishga topshirish vaqti — 22.00.  
Bosishga topshirildi — 21.00.  
Sotuvda kelishilgan narxda.

«Kolorpak» MCHJ bosmaxonasida chop etildi.

Korxona manzili: 100206  
Yunusobod tumani,  
Yangishahar ko'chasi 1A-uy.